

مەگەر لە وئات خوەتان خەرنییه؟

نۆسەر: عەزیز نەسین

وەرگیپان: سارۆ خوسرەوی

ناسنامه‌ی پرتووک

مژار : وه‌رگنپان چیرۆکه‌یل ترکی وه‌ سه‌ر زوان کوردی
ناو پرتووک : مه‌گه‌ر له‌ وڵات خوه‌تان خه‌ر نییه‌؟

نووسه‌ر : عه‌زیز نه‌سین

وه‌رگنپان : سارۆ خوسره‌وی

ویراشته‌ر : ژیار جه‌هانفهرد

شیوه‌کار: موزه‌فهر نامداری

لیزاین رووبه‌رگ: فواد گوده‌رزی

تیراژ : ۱۰۰۰

سال چاپ : ۲۷۱۳ کوردی

ئێ پرتووک له‌ سه‌ر ئه‌رک و چاودێری ماله‌په‌ر ژیارکورد چاپ بویه

www.jiyarkurd.com

پیرست

- پیشه کی ۵
- پیشه پوکینگ له نوسەر ۹
- مه گەر له ولات خوه تان خەر نییه ۱۳
- پیاگ خاس ۴۱
- کام حزب پیروز بوو ۶۰
- فیل همدی چون ده سگیر کریا ۷۱

پیشہ کی

سہدہی بیست و یکم، سہدہی پیشکھفتن و ئہوزینہی گہلان دنیا و وہتاییہت گہلان نوخوازه. سہدہیگہ ک ہر گہلیگ لہئئ سہردہمہ ئابدہیت خوہی - ئہویش لہ ہر ہواریکہو - نہکہی، بیگومان دکہفیتہ پہراویزا و تہنیا ناویگہ لئ - ئہویش لہ ناو دیروکا - دمینی.

ہر گہلیگ لہ ناو ئئ ہزارہی سئیمہ نیاز وہ مدیا و ہزارہتہیل سہروہخوہییگ دیرئ ک ہائئ بدن وەرہو دنیا مودرن. بہلام وئئ بوونہوہ ک ہالیہ سہد سال وەرجه ئیسہ لہ رۆژہلات ناقتین مودرنیتہ رہسیہسہ دەس دەسەلات ناوہندی و نہتہوہ و گہلان تر، لہ لئ بیبہش مان؛ ہەرئہو دەسەلاتہیل ناوہندخوازه ئرا ئہوزینہی خوہیان، مدیا و ہر جۆر دەسەلاتئ ک داشتن ئرا قازانج خوہیان لہ لییان وہ کار بردن و ئہودوای خہلک ک سہر وہ زوان و شیوہزار یان ئابین و ئابینزایگتر بوین، بیبہش کریان؛ ئہلبت چۆن لہ رۆژہلات ناوئین، وەرجه مودرنیسیم، گشتئ گہلان ئئ بہشہ لہ جوگرافیا، لہ دنیاى سونہتا ژیانہ، لہ دواى ئہوہی ک جمشت مودرنیتہ رہسیہ دەس ناوہند و زوان دەسەلاتدار؛ ہەرئہو نہتہوہیل بندہستہ لہ دریژایی سئ چوار دەہہ باوہرہمہندی خوہیان لہ دەس دان و قہبوول کردن ک شارومہند پلہی دووہمن چۆن وەرپاسی پہروپاگہندہ وہ نہف زوان ناوہند - ئہویش لہ ریگہی، وہزارہت پہروہردہ، زانستگہ، رۆژنامہ، ئہرتش و... -

کریا و زوان و ئەدهبیات گه‌له‌یل جیا له‌ ناوه‌ند وه‌ وشه‌ی "مه‌حه‌لی" ناوگیر کریان و له‌ شیوه‌زار و زوانه‌یل جیا له‌ زوان ناوه‌ند ئێ‌ها هه‌نه‌ک و تۆله‌کی کردن وه‌کار گریا. نه‌ته‌وه‌یلینگ ک له‌ په‌راویز و دور له‌ ده‌سه‌لات ناوه‌ندی ژیان، له‌ ئاست نزمینگ له‌ زانست و زانیاری مانه‌وه‌ و نه‌توانین فره‌تر خوه‌یان بناسن؛ گه‌ها یه‌کیگ له‌ مدووه‌یل سه‌ره‌کیشی ئیه‌ بو‌د ک وه‌زاره‌ته‌یل و راگه‌یانده‌یل، وه‌گشتی له‌ خزمه‌ت ده‌سه‌لات ناوه‌ندی بو‌د و ئیدی گه‌لان بنده‌ست هه‌یج ده‌سه‌لاتینگ ئێ‌ها ناسانن دیرۆک، زوان، ئەدهبیات و وه‌گشتی هه‌بو‌ن خوه‌یان نه‌داشتوین و له‌یوا له‌ گشت هه‌له‌یگ بێ‌به‌ش بوین. بێگومان درێژه‌دان وه‌ ئی جو‌ر مژار به‌رفراوانینگ، وه‌خت فره‌یگ دخوازی، هه‌ر وه‌ئێ‌ بوونه‌وه‌ ئی مژاره‌ هه‌لیمن ئێ‌ها ده‌میگتر.

□

وه‌پاسی یه‌کیگ له‌ مدووه‌یل بنه‌مایی و سه‌ره‌کیی پێشکه‌فتن هه‌ر گه‌لینگ گری‌دراو زوان و ئەدهبیاتییه‌. گه‌ها ئقتساد قسه‌ی یه‌کم بکه‌د و هو‌کار پێشکه‌فتن ده‌وله‌مه‌نیی هه‌ر گه‌ل و نه‌ته‌وه‌ بوو وه‌ئێ‌ بنه‌مای فکری هه‌رئهو ئقتساده‌ تیده‌و وه‌ سه‌ر زوان و ئەده‌ب ئهو نه‌ته‌وه‌، هه‌ر نه‌ته‌وه‌ی ک له‌ بو‌ار زوانیه‌وه‌ نه‌توانی خوه‌ی له‌ ژێر ده‌سه‌لات و رکیف نه‌زانی و بێ‌سه‌وادی قوتار بکه‌ی بێگومان نه‌توانی له‌ هه‌یج مژاریگ تر پێشکه‌فیت. هه‌ر گه‌لینگ ئه‌گه‌ر له‌ بو‌ار ئەده‌به‌وه‌ ئه‌وزینه‌ نه‌که‌ئ، نه‌توانی ئقتسادیشی

١ - پیت "ئ" له‌ کرمانجی خوارین(که‌له‌پوری) واته‌ی دو پیت ده‌نگدار"ê" و پیت بیده‌نگ "ÿ"ه. ئه‌گه‌ر بزۆینه‌گه‌ی له‌ سه‌ر پیت بیده‌نگه‌گه‌ بسپرمه‌وه‌ واته‌گه‌ی له‌ کار(فعل)ه‌گان دگۆڕی، میناک له‌ که‌له‌پوری (توا: می‌خواهد)،(خوێد: می‌خورد)،(که‌ید: می‌کند) و... ئیمه‌ ناچار بویم ئێ‌ها ئه‌وه‌ی ک گه‌رد دووهم که‌سایه‌تی کو‌وا له‌ سه‌رف کردن تیکه‌ل نه‌ود، هه‌ر وه‌ک خوه‌ی وه‌ بزۆینه‌وه‌ بنۆسیمه‌ی به‌لام بێجگه‌ له‌ کاره‌گان له‌ به‌شه‌یل تر لاوردیمه‌سه‌ی تا ئاخێوه‌ر شیوه‌زاره‌یل تر زوان کوردی بتوانن بخوه‌ننه‌ی.

سهقام بگرئ! ئمپویش ئهگەر دوینیمن فه رههنگینگ سه رکه فیتییه، بیگومان یه کیگ له رییهیل سه رکه فتنی، هورسه و فکر تیکوشه رهیل ئه و ولاته بۆه .

□

زوان کوردی وهک زوانینگ له رۆژه لات نافین ک سه دهیل فرهیگه ژیان خوهی تیپه ر دکه ئ، تا وه ئمپو دهقهیل فرهیگ وه پئ ئافرینیایه، ئه وهیش وه گشت شیوه زارهیل زوان کوردیه و، وهک: کرمانجی بانین، کرمانجی ناوین (سۆرائی) و نزیکه ی دو دهه هیشه کرمانجی خوارین (کهلهپوری) به شدار جمشت ئه ده بی بۆه و تۆسه رهیل ناوچهیل کرماشان و ئیلامیش پسای سه رقال نۆسان وه ئئ شیوه زاره نه به لام پرتوکه یلیگ ک تا ئیسه وه ئئ شیوه زاره چاپ بۆنه زۆرمیان هه لبه ست کلاسیک و کارهیل فرههنگ گه لیتری بۆنه، به خته وه رانه له ناو ئئ ده هه ی دوا ییه تۆسه رهیل ئئ ناوچه یله رق هاوردنه سه تیکسته یلیگ جیا له هه لبه ست، وهک: چیرۆک، وه گپان، زوانناسی، فه لسه فه و... ئه لبه ت بایه س بۆشیمن یه کمین تیکستیگ ک وه شیوه زار که له پوری چاپ بۆه، پرتووک پیروژ "ئنجیل" ه ک له سال ۱۹۲۶ زایینی له ئنگلیس چاپ بۆه ک وه داخه و ناو وه گپه گه ی له سه رئ نییه . له ناو ئئ ده هه ی دوا یینه هه رئه و جو ره ی ک ئامازه کردیمن به خته وه رانه تۆسه رهیل کورد ئئ ناوچه وه مژارهیل تر، جیا له شیعر مه یله واره و بۆنه و پرتووک و وتارهیل فرهیگ وه پئ ئافراندنه . ئه لبه ت فرهیگ له تۆسه رهگان وه مدوو نه بۆن زانیارییان له سه ر شیوه زار و بن زارهیل زوان کوردی زۆرم دهقه گانییان رهنگ و بوو ناوچه و شارینگ ک له ناوئ ژیا نه دده ی، گه هایش تا ههفت - هه هیشته سال پئیش نیاز بو د ک هه ر تۆسه ریگ وه بن زار خوهی بنۆسیت تا خه لکه گه ی له لی نامویی نه که ئ و رق بارن وه ره و زوان و

ئەدەبیات خوهیان. بەلام هلایه نزیکی سی - چوار ساله برپگ له نۆسه رهیل ئیلام و کرماشان، رهسینهسه ئی ئاکامه ک له سه ره بنه ما و چوارچو زوان کوردی کار بکه ن و له وشهیل ناوچهیی و ئەشیرهیی تایبه تی لای خوهیان واز بارن و وه گوورهی شیوهزار ستاندارد کرمانجی خوارین پهخشان بنۆسن و ههنگاوئگ بوو وه ره و پهیکه ره ی فه رمی زوان کوردی تا ئیسه ی شه فره له نۆسه ره نووخوازاه گان رق هاوردنه سه په کسان نۆسی و تیکست فره یگیش هه ره وه شیوهزار کرمانجی خوارین ئافرینیایه . بهرپز کاک سارۆیش له دهره وه ی ولآت وه ئی ئاکامه ره سییه ک وه گووره ی پهیکه ره ی سه ره کیی زوان کوردی بنۆسیت و هه ره له ناو ئی وه گپرانیشیه وه خاسی دوینیم ک ههنگاوئگ هه لگرتیه . له ناو ئی کاریشیه ره نگ و بوو هه یچ ناوچه و هۆزینگ لئ دیار نییه و هه ره وه ئی وه رگپرانیه ههنگاوئگ وه ره و فه رمی کردن زوان کوردی هه لگرتیه .

"مهگه ره له ولآت خوهتان خه ر نییه " له شاکارهیل عه زیز نه سینه، ک کاک سارۆ گه رد سی چیرۆک ترا له هه ره ئی نۆسه ره، وه رگپران کردیه ک وه پراسی هه م هه لۆژاردن خاسیگ بۆه و هه میش له ناو زوان کوردی فره شیرین دهره اتنه . باوه ر نه که م به رده نگ کورد نه ته نیا گه رد ناوه پۆکا به لکم گه رد وه رگپرانه گه یشیا نامۆیی بکه ی. وه رگپران کۆشایه له چۆزمان و چوارچوو زوان کوردی که لک وه بگریند و وه تایبه ت ئیدیوم و په ندهیل ئی زوانه ئه و کار بوه ئید. بیگومان هه ره ئی کاره یلیشه بوونه مدوو ئاشتی به رده نگه یل کورد وه ل ئەدەبیات و زوان خوهیانا ...

پیشه پۆک:

عهزیز نهسین کییه؟

عهزیز نهسین نۆسه رگه وره ی ترک زوان، سال ۱۹۱۵ زایینی له شار ئهستهنبۆل چهو وه ژیان روشن کرد. وهئئ بوونه وه ک لهو سهردهمه، بیجگه له خوهندنهگه ی نزامی، هیچ خوهندنهگه ی تر وه پهتی ئرا منالهیل ژار و دهسته نک له ترکیه نه بق ههر وه ی بوونه وه عهزیز نهسین ناچار بق بچۆ ئرا ئه و مهدرسه و دریژه وه دهرسی بدهئ.

به پیز عهزیز نهسین له تهمه ن ۱۷ سالانا - واته سال ۱۹۳۷ -
بۆه ئهفسه ر ئه رهتش و له رز نزامی ئه و ولاته به شدار بق. زهوق و
مهیل عهزیز نهسین وه کار نۆسن، ئه وهنده فره بق ک له سال ۱۹۴۴
له ئه رهتش واز هاورد و وهگشتی سه رقالم کار ئه ده بی بق. له سال

۱۹۶۶ وە هاوکاری" سه‌لاحه‌ددین عه‌لی" نۆسه‌ر وه‌ ناوبانگ ترک، گۆفار "مارکۆ پاشا" بلالوئه‌وکرد. عه‌زیز نه‌سین فره‌جار وه‌بوونه‌ئێ نۆسان ره‌خنه‌گرانه‌ی سیاسییا، که‌فته زندانا؛ له‌ سه‌ر یه‌ک په‌نج ساڵ و شه‌ش مانگ سزای زندان کیشا و ئێرماوه‌ی فره‌یگ له‌ ماف نۆسین بێبه‌ش کریا. عه‌زیز نه‌سین له‌ ئه‌و ماوه‌ ئێرماوه‌ی بژیوی ژیان خوه‌ی وه‌ کاره‌یل رۆژنامه‌فروشی، وینه‌گری، دکانداری و کار هۆرده‌فروشی خه‌ریک بی و وه‌ نازناوه‌یل جیاجیا، مژاره‌یل جیاوازیگ ئێرماوه‌ی رۆژنامه و گۆفاره‌گان نۆسا.

عه‌زیز نه‌سین له‌ ماوه‌ی کار ئه‌ده‌بی و رۆشنییری فره‌تر له‌ سه‌دان چیرۆک، هه‌شت رۆمان و هه‌شت شانۆ نۆسا و نا له‌ وه‌ره‌سه‌ی گه‌له‌گه‌ی.

به‌ره‌مه‌یل ئه‌ده‌بی عه‌زیز نه‌سین وه‌رگێر بۆنه‌سه‌ سه‌ر فره‌یگ له‌ زوانه‌یل گه‌وره‌ی دنیا و شانۆوه‌کانیشی له‌ زۆرم ولاته‌یل دنیا یا ده‌یر گریانه. به‌رێز نه‌سین فره‌جار خه‌لات جه‌هانی بیه‌سه‌ نسیوی، له‌وانه‌یشه‌ توانیم ئاماژه‌ بکه‌یمه‌ خه‌لات دو گله‌ "دارخورمای ته‌لا" ک له‌ داوانان چیرۆک‌نۆسه‌یل جه‌هان له‌ ولات ئیتالیا وه‌ ده‌سییان هاورد.

عه‌زیز نه‌سین له‌ شه‌ش ته‌مۆز ساڵ ۱۹۹۵ له‌ ناوچه‌ی "ئزمیر" وه‌ یه‌کجاره‌کی مالئاوی له‌ ژیان کرد.

له کورته چیرۆک و رۆمانهیل عهزیز نه سین ک وه ئاسه وار
ئهدیبی هه نه ک، وه ناوبانگن، وه خاصی ئاماژه کریاسه
گیروگرفتهیل کۆمه لاتی و سیاسی ناو کۆمه لگه .

که سایه تییهیل وه ناوبانگ و نه خش قاره مانهیل جورایجور ناو
چیرۆکهیل نه سین تا راده یگ گشت گیره، ک فره تر له نۆسه رهیل
تر له ترکیه، خه لک خوازیار و لایه نگر به ره مه گانینین. جیا له وانه
عهزیز نه سین له چیرۆکهیل خو هیا هیچ ده میگ چه وپۆشی نه کردیه
له راهات ژیان چینهیل جیا جیای ناو کۆمه لگه، به لکو له زۆرم
چیرۆکه یلی باس له خه لک زامه تکیش و جفتیار که ئی ک چۆن له
ئاوایه وه په لکیش کریه ن ئرا ئه وه ی ک له شارهیل گه وره کار و
زنگانی بکه ن.

عهزیز نه سین هیچ ده میگ له نۆسان چیرۆکهیل خو هیا ته قه لا
نه کردیه له وینه ی کۆمه لناسیگ ژیان ئاسایی خه لک شیرۆقه و
تاوتوی بکه ید، به لکو ئامانجی ئه وه بۆه له ری قاره مانهیل ناو
چیرۆکه گانینیه و خه لک سه رقال بکه یت و له و ری نۆسینه و، ره خنه
له دیاردهیل ناشرین و ره وش ناله بار ناو کۆمه لگه و ده ولت و
ده سه لات بگری .

عهزیز نه سین فره یگ له داها ت ئاسه وار هیل ئه ده بی خو ه ی دانا
ئرا دامه زار ان بنکه ی "نه سین"، ئه و بنکه، تایبه ته ئرا خزمه ت وه

منالەیل دەستەنک و بیکەس. وه گشتی عەزیز نەسین شان وه
شان نازم حکمەت، یاشار کەمال و ئۆران پامۆک یەکیکە له
گەرەترین نۆسەرێل ترکیه. وه تاییبەت له بار هەنەک کومییدیە وه
یەکیکە له ناسیاگترین نۆسەرێل دنیا.

عەزیز نەسین وه کارهیل ئەدەبی خوهیه و خزمەت یەکجار
گەرەگ کرد وه ئەدەبیات و دنیا ی روشنبیری مرۆڤهیل.

سارۆ خوسره‌وی - ستکهۆلم

مهگهر له ولات خوهتانا خهر نبييه؟

- چو که سيگ ک دگانئ ژان بکهئ، ده سيگئ گرتبوه روومه تييه و
دهس تره کيشئ له بان سهرئ دانابو. ئاجز و پهريشان سهر کرده ناوا
و وه ئه غم تالينگه و دهس کرده هاوار و هانا و ناسزايي وه تن:
- تف! ... ئابرومان چئ! ... بن بهخت و مال کاول بيمن! ..
- وه سهر و سه کوتييه و ديار بي، ئايه م خاوه ن ئابروگ بوو. ههروه ي
بوونه وه ئه لاجه ويم هات له هه لسوبنيشي و وه تم:
- بفرما دانيش!
- جوړ ئه وه ي ک گوشت و ه قسه گه ئ من نه بق دواژه ئ ئه وکرد:
- ئابرو ئرامان نه ما!
- چه بييه؟
- توای چه بوو خاسه!؟ ... ئرا وه تن ناود! ...
- چيمه ناو فکرا، خه يال کردم توش گيچه ل گه وره يگ بييه ...

هه تمه ن ئه و گيچه له پيوه ندى ديري گهرد بنه ماله گهيا. ئرا ئه وهى
ك بارمهى ئهوسه ر خوهى و ئارامى بكه مه و، وه ئه سپاييه و وه تم:
- له ژيان ئايه مه گان فره جار كاره سات وه و جوړه قوميه ئ...
خاستره كه ميگ هه وسه له بداشتو.
وه قسه يل من هه لبه زى و فره تر ناره هه ت بى. نوورپسته پيم و وه
ئه سپاييه و وه ت:

- ژيان وه بى ئابروي وه دهر د چه خوهى!

- چه بييه، چه قومياگه؟

- چه قوميا بق خاسه؟

يهى خه ر پير و مرداره و بى وه ۲۵۰۰ ليړه فره تنه كابرياگ.

له پاشخوان^۱ قسه گهيا هه لبه زيم. خه يال كردم ئه و كابرا ليويايه...
ئه ويش يهى چشت ترسناك... رخم چى و چرچ چييه ناو دلما! وه
ويانك^۲ ئه وهى ك ژنه گه م بچرم وه تم:

- قاوه خوهى؟

خوهى قيت كرد و وه په روښيگه و وه ت:

- ئيسه وه خت قاوه خواردن نيه. فكريگ وه ئه و مه سه له بكه...

ئرا چه بايه س خه ر مرداره و بوگ بفروشن وه پياگ نه ناس و ناموويگ؟

۱ - paşxwan وه لام، جواو.

۲ - wiyanik بيانو، به هانه.

- ولا تا ئيسه من نه خهر سەندمه و نه خهر فرۆشامه، هەر وهى بوونه وه قسه يگ ئړا وه تن نه يرم!
- منيش جوړ ئيوه مامله لى خهر نه كرده، وه لى ئه وقهره ئه قلم بړى كه بزاتم خه رىگ ۲۵۰۰ لىره نيه تيه رزى!
- پرسيم:
- ئيوه ميژگه^۱ سهرتان نييه؟!
- ئړا چه، نا! دياره ميژم له كار كه فتيه! تا ئيسه كه سيگ ديه يا ژنه فتيه خه رىگ بفرۆشيهد وه ۲۵۰۰ لىره؟
- نه زانستم چه پاشخوانى بده مه و... وه تم:
- ئه گهر خه ره گه، خهر پياگ مه سله گى^۲ بوو!... ئړا چه نه.
- برا! تويش پساي دهر يوهرى ئوشى! كهى خهر توانى پياگ مه سله گ بوو! ئه گهر بوه تاي، كه م ئمره يان زيره كه ئه وه تشتي گتر بو، ئايه م ئاگره كه وله وه نه بو... ئه ما ئه وه ته نيا پيره خه رىگ داماو و دهرمه نه بو.
- من وه پراسى ئه لاجه وييم هات، له لى پرسيم:
- وهو جوړه ك تو باسئ كه يد داستانه گه ئى فره ئه لاجه وييه.
- چون سلاوننگار^۳ دانه خو هيان ئه و كاره بكه ن؟

^۱ - mējig ميژى. مېشك.

^۲ - meslég ريژدار و خاس، بامهرام.

^۳ - silawingar زن، شجازه، تنگار.

منیش هاتمه باس نهوه ئرات بکه‌م. ماوه‌یگ وهرجه ئیسه، له‌لایه‌ن دهسه‌لاته‌وه ئرا دبین ده‌وره‌یگ چیم ئرا ئه‌مریکا. له‌وره‌ گه‌رد پرفسورینگ ئه‌مریکایا ئاشناوه‌ بيم. ئه‌و وه‌ گه‌ردما فره‌ خاس هه‌لس بنیش کرد و له‌و ماوه‌یا، وه‌خاسی خزمه‌ته‌ پیم کرد. له‌ شوون ته‌مام بین ده‌وره‌گه‌م، گله‌وخواردم ئرا ولات و هه‌ر چه‌ن مانگیگ جارینگ نامه‌یگ ئرا یه‌کتران نوسایمن و له‌ هال و هه‌وال یه‌کتره‌کی ئاگاداره‌و بقومن.

مانگیگ وهرجه ئیسه‌ نوسابو، خوازئ باید ئرا ئیره‌ و دو سی هه‌فته‌ له‌ ئیره‌ بمینده‌و و له‌سه‌ر گلیم و قالی ئیمه‌ زانیاری فره‌تر وه‌ ده‌س بارئ و پرتوکیگ له‌ سه‌ر هونه‌ر نه‌ته‌وه‌ییمان بنوسیت.

داوا له‌ لیم کردبو سه‌ره‌ساوی بکه‌م، جما و هه‌ پیم کریت یاریکاری بدهم یان نه‌. وه‌ پئ ئبلاق کردم:

- ک وه‌ دلخه‌شیه‌و یاریکاری ده‌م و هه‌رچیگ دلئ بخوازئ ئرای وه‌ په‌رتخ ره‌سنم. ناونیشان مال و ژماره‌ تلیفون خوه‌م ئرای کل کردم، تا ده‌مئ ک هات ئه‌را ئیره‌ سه‌ره‌ساوم بکه‌ید. سی رۆژ وهرجه ئیسه‌ له‌ ناو هوتیلێکه‌و زه‌نگ دا پیم. وه‌ په‌له‌په‌ل خوه‌م ره‌سانمه‌ لایا. وه‌ دبین من فره‌ که‌یفخه‌ش بی. له‌ شوون سلām و هه‌والپرسی جانتای گه‌وره‌یگ هی‌ز دا و هاوردی. له‌ وه‌ختیگا وه‌ رق خوه‌ش و ره‌فتار منالانه‌، ده‌ر جانتایه‌گه‌ی کرده‌و، وه‌ت:

۱ - cima نایا. (له‌ کرمانجی "چما" دیژن).

- نازانی چه نینگ چشت تهرک و ئەتقیه ی بایه خدار سه ندمه . له
هیچ موزه خانه یگ له وینه یان نییه!

چه وه یلم وه گشتی زاقه و کردم تا بزانی چۆنه ته لا، یا چشت تهرک
و بایه خدارئ سه ندییه ک خوازئ نیشانم بده ئته ئ. یه ئ توره که وه
گهر د یه ی گلیم بۆچک و یه ی جفت جووراو خوری پرهنگ کریاگا له ناو
جانتایه گه ی هاورد ه وده ر و له وهر ده سم دایناو وه ت:

- ئەو گلیمه فره قیمة تییه . لانکه م وه سئ هه زار دۆلار چووده
فرۆش!

من ئەوه له یه ی پیانگ ده یشته کی وه سی دۆلار سه ندمه سه ئ.
یه ی قالیچه ی کاله و بۆ نیشانم دا ک له سه ر یه ک سئ قولانچ پان و
په نچ قولانچ دریز بۆ . وه نه زه ر من ئەرزشت یه ی دۆلار نه یاشت .
پرسیار کردم:

- ئەو فره شه چه نینگ تیه رزید؟

هه ر سانتیمتر ئەو فره شه هه شتا گرئییه . ئایه م ته نیا توانئ بۆشی
ئەوه شاکار سه نعه تی فره ش چینه!

جناب پرفسۆر ئەو فره وه خاسی و مه یلگه رمی باس له سفه ت و
فایده ی ئەو فره شه کرد، هه ر وه تی له مه درسه دانیشتییه و پسای
یه ی مه سه له ی گران زانستی ئرا مناله مه درسه سه یه گانئ شی ئەو که ید .

- به ئی کاکه گیان ئەوه یه ی شاکار گه وره و بی وینه س له
سه نعه ت. ته نیا یه ی دانه فره ش هه سه ی ک له هه ر سانتیمتریگی

سه د گری بداشتو، به لام دیار نییه ک ئه وه ها له کوورهی ئی دنیا! له شوونی یه یه گوه^۱ دهرهاورد و وه خواهه شله خواهشی وهت:

- لانکه مه گه ئی ئه رزش په نج هه زار دۆلار دیئ، من ته نیا وه ده دۆلار سه ندمه سه ی...
له ئی پرسیم:

- ئه و چشته یل قیمة تیه ئه را له یوا وه هه رزان که فتنه سه ده ست؟
له پاشخوانا وهت:

- چل ساله، له و کاره تاقیکردنه وه ئه انجام ده م. زانم وه چ شیوه یگ گه رد خه لکه یل نیشه جی ئاوابی مامه له بکه م!

له شوونی باس بریگ راوهات و وه سه رهات، زیره کانه ی ژیان خواهی ئرام کرد. واقم په ری و چشته ی ئه و په سیم ک وه تو لپری و کلاوچیه ری بیه سه خاوه ن کولیکسون فره گه وره یگ گلیم و قالی و چشته یل دیروکی. داوا له لیم کرد تا گه رد خواه ما بووه مه ی ئرا ئاویه یل دور ده ست، به شکه م بریگ گلیم و قالی پریابه خ بسینیت.

سه ربار ئه وه ی ک خواه م کار داشتم و وهخت گه ردیان نه یاشتم، وه گه ردیا چیم. چه ن دانه یگ گلیم و قالی و هه گوه سه ند. به لام هیه کامیان مه یلن رازی نه کرد. ئه و مینه ی چشتیگ کرد ک بی وینه بوو.

ته قیایمه ئاویگا، شوونه وار وه رجه سه رده م له دلگ بین "عیسا"، له ناوی دینیا بونه و. دو گروپ ئه تیقه ناس ئالمانی و

ئەمریکایی لە وره بۆن. ئەو دو گروپه سهرقال هه لکه نندن زهوی بۆن و زهوییه کان ژێربان کردن و چیا و بهرزاییه کان چۆر په می شییه و کرد بۆن.

چادر ئەو گروپه یله له و خواره و دیار بۆ. چادره کانیاں پر بی له خه زگان، کاسه و کوچه له، سینی، شه مدان، په یکه ره و کۆزه، هه وه تیای یه ی ریزه دوکان ئە تیقه خانه س.

به رپرس گروپه کان قسه ئرامان کرد و وه ت:

- شوونه وار ژیار و شارستانیتهت وه رین هه تا ئە ی سه رده م هاوچه رخه له ژیر ئەو زهوییه یله دوینیا نه سه و. ئە وان دیوار کۆشک و گۆر قه دیمی و چشته یل ترک په یایان کرد بۆن، نیشانمان دان. باس له کاره یل خوه یان ئرامان کردن. فره له کاره یل خوه یان پازی بین. به لام گله یی داشتن له ده س ئەو گه شتیاره یله ک له ولاته یل لایه و خاواره وه هاتیان ئرا ئەو شوونه .

وه تن:

- ئە وان زۆرم وه خت گیچه ل ئرا ئیمه ساز که ن.

له دل خوه مه و وه تم: "میوان، خوه شی له میوان نه هات و خاون مال له هه ر دوکیان".

وه ختیگ له لای ئە وان چیمن، ئرام که فته و ده ر ک پاس ئوشن چۆن هه ر چه ن کیلومتریگ جاریگ سه رمان ته قیته خاواره یگا ک ئرا سه نندن ئە تیقه هات بۆن ئرا ئەو ناوه و مینه ی خه لکه یل نیشه جی ئاوی کردیاں تا ئە تیقه ی هه رزان وای له لیان بسین!

خەلک ئاواپەیل ئەو شوونە سەنیارەیل خوەیان خاس ناسن. هەر یەک لە ئەوان چەن دەنکیگ کۆزە ی شکیاگ، دەوری تلیشیاگ ژێر خۆل، تەنەکە، ئاسن و لۆلە گرتبۆنە باوش و سەر تا پای جادەگە کردبۆنە دوکان ئەتیقە فرۆشی. وەگەرد گەشتیارەیل مامەلە و چەقپەل کردیان. قسە ی ئەوان هەر پەنج دۆلار و دە دۆلار بی. لە وەرخوا مە و وەتم: من تازە تا ئێرە هاتمە ئێرا چە چشتیگ نەسینم. دۆت بۆچکەلە ی پاپەتیگ یە ی کۆزە ی شکیاگ نەخشین وەپێ بۆ. کۆرەبۆچکەلە یگیش ک لە لای ئەو و سیا بۆ، یە ی کوچک گەورە و کە و وە دەسپێه و بۆ. چیم ئێرا لایان و وەتم:

- کۆر خاس ئەو کوچگ کە وە فرۆشیدە ی؟

دۆتەگە کۆزە شکیاگە ی خوە ی وە دە دۆلار داو و کۆرەکە ییش ئێرا کوچکەگە ی داوای پانزە دۆلار کرد!

من هیچ کام لە جنسەکان نەناسیم و قیمەتەگە یانیش ئێرا م رۆشن نەوی. ئێرا ئەو یگە وە قیمەت هەرزان بسینمە یان وەتم:

- فرە گرانه!

دۆت و کۆرەگە، جۆر ئایە م گەورە و فرەزان دەسکردنە مزنە ی قیمەت چشتەگان.

کۆرەگە وەت:

- کی تۆشی گرانه؟ ئێرا ئەو دیین ئەوانە کارگەر یگ ماوہ ی دە رۆژ

سەرقال بییە!

دۆتەگە ییش قسە ی براگە ی بری و وەت:

- ئهوانه پهنج گهز له ژيړ زهوی بينه و هه له وگه رديه نړا
سه ردهم وهر له دالگ بين حه زهت عيسا .

خوازيم په يکه رکه بسينم، به لام پرفسور رازی نه بق و وهت:

- ئهوانه ئه رزش ئه و قيمه ته نه يرن .

دوت و کورپه گه خوه شيان له قسه ی پرفسور نه هات . ههر وه ئی
بوونه وه چهن خراو سووک و ساده دانه دالگ و باوگی . وه خوه شيه و
پرفسور سهر له قسه یل ئه وان دهر نه کرد . ئه نا وه گشتی ئا برؤمان لای
خه لکه یل خاواره چياد .

له شونښيا ئرام پؤشنه و بی ک پرفسور قسه گه ی هساوی بقا!

خه لک نيشته جي ئه و مه لبه نده دهس له کار کيشا بقون و خه ریک
کار ئه تيقه فرؤشتن بين . ئه ویش چ ئه تيقه یگ، گشتيان دهس ساز
خوهيان بين ک له جيگه ئی ئه تيقه ی قه ديمي و ديروکی ژيړ زهوی
فرؤشته نه ی گه شتيا ره یل . بريگ له نشينه یل ئاوايي ئه وه نده له کاره یل
خوهيان کارناس و ليژان بين ک کلاو نيانه سهر ئه تيقه ناسه یل خاوه ن
ئه زموون .

من نازانم په کيگ وه ده يشته کييه یل وه چ دهرمانیگ، يه ی سه گ
وشکه وکرياگ وه ناو سه گ مؤميايي قه رنه یل وه رين دروس کردبق،
فرؤشاده ئی يه ئی پياگ بيگانه !!! .

خه يال کهن ئه و کاره یله ساده و ئاسانن و وه گشت که سيک
جيوه جي کري؟

نه! ... باوه ر بکه ن له دروس کردن بومب ئه توميش سه خترن .

چۆنکه هەر هیچ نهوئ تهجروبهی ئەتۆم بهستهگهی دێرئ وه یهئ
ئەسل تێئوری و زانستی. بهلام ئەو کارهیه وه گهرد هیچ داتهکێگا^۱
جۆر دهرناتین.

ئەوه کردوهیه وه بئ ئەزموون کارهیل وهرین، دهرنهجام توانایی
و ئەقل و هوش گهل ئیمه دهرخهئد، که وهداخه وهقورشه و کارایی
هاوولاتییهیل ئیمه له پێیهیل خوار و خێچ وه خهسار چوو.
جیبهکهمان سهیوهت^۲ سهیوهت چیا و ههوايش فره گهرم بی،
پرفسۆر هەر پساى باس له زیرهکی خهلهکیل نشینهجئ ئاوابی کردیا
و برپگ جاریش وه دهنگ بهرز خهستیا.

له ناو رئ دو سئ دانه دار و کانی سهرنجمان کیشان ئپا لای
خوهیان. داوهزیمن تا له ژێر سارۆکی دارهگان نان بخوهیمن.
یهئ پیاگ ئاوايينشین دهم و چهوئ له ئاو کانیهگه شورديا و له
خواروه خههگهئ خهريك ئاو خواردن بی. گهرد پیاگه پیرهگه
ههوالپرسی کردم و وهتم:

- کاکه گیان ئاوهگه لیخن مهکه، ئیمهیش توایم ئاو بخوهیمن.
کابرا وه بئ ئەوهی ک پاشخوانم بدهیتوه، ههلسا و ههوسار خههگهئ
گرت و کیشایهئ تا له ئاوهگه دوری بختتهوه، بهلام خههگهئ مل وه
پئ نه دا و سلم کرد!

۱ - datek قانون.

۲ - seywet ئارام، یهواش.

ئیسفایگن گرتم. پرفسۆر، چهویگی بیهسه چوار چهو و نووپیته
خه ره گه ی کابرا. پرسیار کردم:

- تماشای چه کهید؟ هەر ویشی خه ر وه چهو نهیده!
له وه ختیگا پرفسۆر چهو له سه ر خه ره گه هه لنه گرد و شه وق و
مه یل خوه شی له روومه تی واری جواوم داوه:
- جل ئه و خه ره یه ی ئه تیقه ی بی وینه س و سه د هه زار دۆلار
ئه رزشتیه .

- قیمة تی ...

نوورستمه خه ره گه وه. تماشا کردم یه جل قه دیمی و خه رگین ها
له بان کۆپانه گه ی. ئه گه ر وه په تی بیاتایه ی من، هه ر ئه وژیڕی نه چیم!
وه ئه لاجه ویه ویگه و پرسیم:
- مه نزوورتان ئه و جل پیسه سه ؟
وه خه نینیگه و وه ت:

- ئه ری مه نزوورم ئه و سه ر جله سه . چشتیگ له یوا وه ی خاسیه
له هیچ کووره وه گیرت ناکه فی. ئه و جله ئه رزش هه رچیگ چشته
دیڕی!

- ده ی خاسه ئه گه ر زانی وه و جوړه سه ئرا چه وسایده، ناو خودا
له لی بار!

ده سه وجی ره نگ رق ئالشت بق و وه جدییگه و وه ت:

- مه‌گەر کرێ وەگەرد ئەو دەیشته‌کیه‌یلا قسه بکه‌ید! هەر وه‌ ماز
یه‌ک دەم واکردی، زانن "ئاگریان له‌ کام کوانی سزیه‌د" و ئەگەر قیমে‌ت
خوین باوگ خوه‌دیش بده‌یته‌ پێیان رازی ناون.

بایه‌س چه‌ بکه‌یم؟

تو که‌میگ وه‌ قسه‌ کردن بکه‌له‌تنه‌ی با منیش وه‌ خاسی تماشای
جله‌که‌ بکه‌م. ئەگەر مزه‌نه‌گه‌م راست بوو، بایه‌س وه‌ هەر جوړیگ بییه
له‌ ده‌سی ده‌ری‌باریم. چونکه‌ له‌ ری‌راس و دروسه‌و ناتوانیم مامه‌له‌
وه‌گه‌ردییا بکه‌یمن.

وه‌ له‌و‌نیگ خوه‌م نیشان دام که‌ خه‌ریکم یاری کابرای ده‌یشه‌کی
دەم. چیم وه‌ره‌و لای تا خه‌ره‌گی له‌ ئاوه‌گه‌ بکیشیته‌وده‌ر.
پرفسۆریش ده‌س گرتە کۆلۆک خه‌ره‌گه‌وه‌ و پال ناپیوه‌ تا مزنه‌ی
جله‌گی بگریت.

ئێا ئەوه‌ی ک کابرای ده‌یشه‌کی له‌ مه‌سه‌له‌گه‌ نه‌په‌سیده‌و، ده‌س
کردمه‌ قسه‌ کردن وه‌ گه‌رداییا و پرسیم:

- تو ویشی چه‌ به‌ره‌میگ له‌ی ناوچه‌یله‌ وه‌ ئەمه‌ل‌تی؟

وه‌ په‌ژاره‌وه‌ جاووم داوه‌:

- هیچ!

- ئاخ‌ر چون‌ هیچ!

وه‌ خزمه‌تتان ئەرز کردم هیچ!

کابرا فره‌ وه‌ جدی تواست من له‌ کۆل‌خوه‌ی بکه‌یده‌و. به‌لام من

له‌ کۆلی نه‌ویمه‌و و وه‌تم:

نه گهنم، نه جووه و نه دانه وييله؟

هيچ چشتيگ .

پرفسور ههر وه ئه و جوهره خهريک ئه زمایشته و مزنه گرتن جل
خه ره گه بق . من بايه س فره تر پياگه که بخه له تنم و سه ر بنه مه سه ري .

پرسيم:

- ئه ی ئه گهر وه وجوره سه نيشه جيهيل ئاوايي چون ژيه ن؟

له ري ئه تيقه فروشييه و! مه ردم گولسوو تا سه رشه و وه بييل و
قولنگ، کوی و کالگه کان ژيرزه وهر د که ن و مينه ی ئه تيقه که ن . له
شوونپيا يه ی هه ناسه يه که هه لکيشا و دريژه دا وه قسه يلی و وه ت:

- خودا ئه و بيگانه و لايه يله کوور و زه ليل بکه ی . ئه وان، ئيمه
بيچاره کردن، له ئه و روژه وه ک پايان له ئی ولات ئيمه کرياسه و،
گشت که سيگ له کار و کاسبی هه لال دوره و خسته نه!

وه تم:

- ئرا چه ئه و کاره هه رامه؟ ئه وان ئه تيقه کان له ژير زهوی په يا
که ن و وه پاره ی خاسيگ فروشنه ی بيگانه ييل .

خودا وه ديار سه رته و بوو، هه وه ست ها کووره . چ ئه تيقه يگ! له
ئى مه لبه نده شه ش ئاوايي هه س، سه ر بکيشينه هه ر مالگ هيج
جوهره که لوپه ل و راخه ر درپياگي وه چه و ناوينی . نه کوژه يگ نه
ده فريگ و نه هيج چشت ته رک .

- ئه را چه؟

- ئرا چه نه يري ... گشته ی فروشته نه وه ئه و بيگانه يله .

- بیگانه کان دهر و دوله و کوزه ی شکیاگ و راخر کونه و و
دریاگ ئرا چه یانه؟
- ئەوان هەرله یوا وه پێیان نافرۆشنه ی، یه کمجار خه نه یانه ژیر
خول تا ژهنگ هه لئیرن .

- نازانم وه چ دهرمانیگ و چۆن له وینه ی شوونه واره یل دیرۆکی
دهریان تیرن و له شوونیا وه قیمة تئتیقه ی ژیر خاک فرۆشنه یان
وه بیگانه یل . خه لک ئیمه وه گشتی گۆریانه . گه وره و بۆچکه له، دۆت
و کوپ، ژن و پیایگ وه شه و وه رۆژ خه ریک ئەوه نه کلاو بنه نه سه ر
بیگانه کان .

- چهن رۆژ وه رجه ئیسه یه ی کوپه بۆچکه له رهخت و هه وسار
خه ره گه ی من هه لگرتبو تا له جیاتی ئەتیقه بفرۆشیتته ی، گرتمه ی له
مشتی هه لپپۆچکانم . ئەوان له نال خه ر مه دال و پاره ی قه دیمی ساز
که ن . دۆته یل ئیمه ناتوان شق بکه ن و سه روسامان بده نه ژیان
خوه یان . گشتیان بینه سه ئەتیقه ناس و ئەتیقه فرۆش .

- بۆشه پیم بزائم، کووره ی ئەو کاره یله خاس و دروسن؟
- یه ی رۆژ ناراسیه گان ئاشکرا بوون و لاف له سه ر یه تیم
هه لدریه ده و .

- وه نه زه رت ئەو وهخت بیگانه کان چه وه پیمان ئۆشن! ئەو رۆژه
دی ئابرو ئرا نه ته وه ی ئیمه نامینت . کار ئەتیقه فرۆشتن ته مام بوود
و ئەو که سه یله ک له کار خوه یان واز هاوردنه و کشتوکال وه جی
هیشتنه، پۆشنه چه وه سه ریان تیت، یا دهس که نه گه یایی کردن یا وه

دز دهرچن. ئه و وهخته هه رگز ناتوانيم جاري ترهك سهروسامان بيهيمنه ژيان خوه مانا. هه ر وه ئي خاتره من فره تر له ئزرائيل خوه شم وه چاره ي بيگانه كان ناتي.

ئه وان بينه سه بايس به دبه ختي و بيچاره گي مه ردم ولات ئيمه!
پرفسور كار خوه ي ته مام كر دبو، هات ئرا لاي من و پرسى:

- كابرا ئوشى چه؟

گولونينگ له قسه يل ئه و ئرا پرفسور تارييف كردم. وه پي ناخوه ش نه وي، بسكه خه نه يگ كرد و وه ت:

- خاسه با ده ق دل خوه ي خالي بكه يت، ئيمه بايه س وه هه ر له ونيگ بيه ئه و جله له ده سي دهر باريم.

پرسيم:

- ئه رزشت زامه ته گه ديئري؟

فره ي فراوان ... من سي ساله له به ش ئاسه وارناسى كار كه م، تا ئيسه چشتيگ له يوا نه ديمه .

له هه ر سانتيمتريگي ۱۲۰ گري هه س، ك توانم بو شم ئه وه له ي دنيا بي وينه س!

ئيسه بايه س چه بكه يم؟

من يه ي ري شك به م. به لام جاري له لي بپرس و بز ان چ جو ره ئه تيقه يگ ديئري؟

پياگه پيره گه جو ر ئه وه ي ك بنكول له قسه يل ئيمه بره سيئده و نوورپسته ده م پرفسور و گوش ته كان له قسه يل ئيمه .

پرسی:

- ئیوه له و جوره ئەتیقهیله دێرین؟

وه دەنگ بەرز خەنی و وت:

- کور خاس! خودا ئەو نانه نەکەیدە نسیو من. ئایەم وه ورسگ
بمرئ خاستره له وهسه ناموس ولاتهگهی خوهی بفرۆشیدە بیگانهیل!
وه گشتی ته مام کار ئەو ئەتیقه فرۆشهیله پرە له ته له که بازی.

قسه کانی ئرا پرفسور باس کردم، ئەو وت: "له لی پیرس، چون
بژیوی ژیان خوهیان دهرتیرن؟"

له لی پرسیم:

- ئەگەر ئەو جورهسه ئیوه له چ ریگه و پاره وه دەس تیرین؟

- من کاسی کهم، بزگیرم و مامه لهی پهس و پۆله کهم.

پرفسور وه ژنهفتن ئەو قسه فره که یفخوهش بق و وت:

- بار ئیمه فره سووک کرد. بیگومان خه رهگه یش فرۆشید، به لام

بایهس شک نه که ئی و مرام ئیمه ئرای ئاشکرا نه وئ!

له کابرای دهیشته کی پرسیم:

- رۆژانه چهن گله خه ر و هه یوان تره ک سنیی و فرۆشئ؟

وه خه نینیگه و وت:

- له ناو ههفته یگ نارپه سیده یه ک دو ده نکا.

نه ف خه ریگ چه نیگه ک ئیوه بتوانین وه پئ زنه یی بکه ین؟

جاو ئه و پرسیاره پیوهندی دیرئ وه فهسلهیل و موشتهریهکان .
برئ جار سئ چوار مانگ سفته ناکهیم . برئ جاریش له ناو یه ی روژا
پهنج خه فرۆشم...رووزی ئنسان چه بوود رهسئ! .
ئهمریکایهگه تواست قسهیل کابرا له سیر تا پیاز ئرای تاریف
بکه م .

وهختیگ ک قسهیل تمه م بی، وهت:

- دیاره پیانگ ساده و نه زانیگه . بهلام ئیمه بایهس وه پاریزه و
مامه له وه گهردییا بکهیمن . بایهس نهخشه ی خاسیگ ئرای دارپژ
بکهیم

- چۆن؟

- بهلی... ئهگه ئیمه بتوایم تهنیا جل خه رهگه له لی بسینیم،
که فیته گومانا... بایهس خه رهگه ی بسینیم و له شوون ئه وه ی ک چه ن
ههنگاوینگ چیمن جلهگه له کۆل خه رهگه بکهیمه و و له وه دهبشه
وه ره لای بکهیمن . تو ئیسه له لی پیرس، خه رهگه ی وه چه نیگ
فرۆشیت!

کابرای دهیشتهکی هاته وهروه و پرسی:

- ئه و کابرای بی دینه ئۆشی چه هه ر" فانگ و فونگیه " .

کوره هیچ ناویشئ، خه رهگه ی تو دلئ گرتییه و توای له لید

بسینیتیه... .

کابرا بۆله یگه لی هه لسا و له شوونیییا وهت:

- هه‌یف... وه‌پرسی ده‌رکه‌فت ئه‌و کابرا فره خه‌رفامه! نه‌کا هه‌نه‌که پێم بکه‌ئ؟
- ئه‌و خه‌ر من ئړا چه‌یه؟
- تو چه‌ توایه‌. مه‌گه‌ر بێجگه‌ له‌ پۆل خه‌ره‌گه‌ت چشتیگتر توای؟
- کابری ده‌یشه‌کی گریگ سه‌ور کرد و له‌ شوونیا پرسى:
- ئه‌و کابرا، سه‌ر وه‌ کام نه‌ته‌وه‌س؟
- ئه‌مریکاییه‌.
- مه‌گه‌ر له‌ وڵات خوه‌یان خه‌ر نییه‌؟
- کاکه‌ گیان ئه‌وه‌ تو خێرته‌، ئړا چه‌ مامه‌له‌ی ئابوری وه‌ گه‌رد سیاسه‌تا ئاویتار که‌ید. تو توای خه‌ره‌گه‌ت بفرۆشی و ئه‌ویش توایه‌ له‌ لید بسینیه‌ی، ئه‌ی دی ئړا چه‌ بار یاو رسیت^۱؟
- نه‌ کاکه‌! ئه‌و خه‌ره‌ وه‌ ده‌رد ئه‌و کابرا ناخوه‌ی.
- ئړا چه‌؟
- ئه‌و خه‌ره‌ پیر و که‌فتییه‌!
- قسه‌کانی ئړا پرفسۆر تارێف کردم، فره‌ که‌یفخوه‌ش بق و وه‌ت:
- وه‌ ئه‌وجۆره‌ دیاره‌ وه‌ هه‌رزان فرۆشیه‌ی پیمان!
- قیমে‌ته‌گه‌ی بپرس و زق وه‌ گه‌ردییا بوپوه‌ی.
- وه‌تمه‌ کابرای ده‌یشه‌کی:

^۱ - bari yaw risîn ئیدیوومیگه‌ له‌ زوان کوردی واته‌ئ: قسه‌ی مفت و بیخود

- قه‌ی ناکه‌ئ، ئه‌و توائی بسینیتیه‌ی .
- نا! گیانه‌گه‌م خه‌جاله‌تییه، وه‌ختای هه‌وگلیوه‌ بوو^۱ ئرا ولات خوه‌ی ناسزای وه‌پیمان که‌ن و ئابرو ئرامان ناهیلن .
- خه‌لک ده‌یشت، ئنسانه‌یل پاک و دروستکارن . بۆشه‌ پی، وه‌ خاتر ئه‌وه‌ی ک نییه‌تئ پاکه‌، ئاماده‌م پارهی خاسیگ بییه‌مه‌ پی .
- وه‌تمه‌ کابرای ده‌یشته‌کی :
- کابرای ئه‌مریکایی ئاماده‌سه‌ و هیچ موشکلینگ نه‌ئیرئ .
- نا...! ئه‌و نافامئ . ده‌نا ئه‌و خه‌ره‌ زامداره‌ و وه‌ دهرد ئه‌و نیه‌خوه‌ئ .
- کاکه‌ گیان تو کارت چه‌س! پۆل مفت دیری و دلئ قرچئ خه‌ره‌گه‌ت بسینئ، ئه‌ی دی ئرا چه‌ ئه‌وقه‌ره‌ له‌ سه‌رئ چید؟
- لانه‌ت له‌ ئایه‌م قه‌لبه‌زن . ئاخه‌ر ئه‌و خه‌ره‌ پیر و په‌ککه‌فتییه‌ ئرا چه‌یه‌ و توائی چه‌ وه‌ گه‌ردنیا بکه‌ئت؟
- گیانه‌گه‌م تو مه‌لایت یان خه‌رفرووش؟ تو پارهی خوه‌د وه‌رگریت، چه‌ توائی له‌و کاره‌یله‌؟ ئه‌رئ توام بزانه‌م خه‌ره‌گه‌ت وه‌ چه‌ن فرووشی تا بوورپیمه‌وه‌ی؟
- پیاگه‌که‌ سای سه‌رئ خسته‌وخوار و وه‌ شه‌رمیگه‌و وه‌ت :
- ولا پیاگ سه‌ر له‌ کار ئه‌و ئه‌مریکایه‌یله‌ دهرناکه‌ئ، له‌ لی پرسیار بکه‌ :

^۱ - hewgilêwe bû گل بخوێتوه، بگه‌رێتوه، بایته‌وه، هه‌لوه‌ گه‌ردئ .

- له ولات خوهران خهر نیه؟ ئرا چه ناچوو له ئوره خهر
بسینیت؟

قسه که ی ئرا پرفسور هه لگه ردان کردم. وهت:

- بوشه پی له ولات من خهر فرهس، به لام له وینهی خهره گی
ئه و گیر ناتئ.

دهیشته کییه که خوهی قیت کرد و وهت:

- فره خاسه، من بنکول ئه ییه کان ئه و خهره وه تمه پیتان، سوو
نه چیت له پشت سهر ئیمه قسه ی سووک بکه ی!... من له مامه له یگ
له یوا رازی نیم. به لام وه خاتر ئه وهی ک خوه شم ناتئ دلئ بشکنم و
میوان ئیمه س قه ی ناکه ئ هیچ ناویشم.

له باوهت ئه وهی ک له سهر مامه له ی خهره که ریگ که فتن.
پرفسور له خوه شییا پای بان زهوی نه گرت و وه دومئ گرده کان
شکان و هاته هه لبه ز دابه ز.

پرسیم:

- چه نینگ خاسه بییه یه پیت؟

- وه خاتر ئیوه په نج هه زار لیږه!

- وه تی چه؟ مه گهر لیویایته، خاسترین ئه سپ عهره بی له ئئ ولاته

وه سئ چوار هه زار لیږس. هه رکه س ئرا خوه یه؟

کابرای دهیشته کی وه ئه سپایی جواو داوه و وهت:

- ئه گهر زانی وهو جوړه سه، خهر من ئرا چه تانه، بچن ئه سب

عه ره بی بسینن!.

وه پرفسۆره ئەمریکایهگه وهتم:

- داوای پهنج ههزار لیڤه که ئی. له ناکاوا قنچ بیهو و وهت:

- نه وهتم، ئەگەر بتوای چشتیگ له وانه بسینی له یوا وهلتا هه لَس
بنیش که ن. ئیسه چه بکهیم. دیاره نرخه گه ی فره گرانه. به لام ترسم
ئەگەر ئیمه وه ئەو نرخه رازی بۆمن، ده به بیهیته لیمان و خوهی وه
سه رمانا هه لکیشی، خاستره فره تر سه ربنه یمه سه ری.

وه کابرا وهتم:

- کاکه گیان راسیه گه ی بۆشه پیمان، خه ره گه ت وه چه نی

سه ندیته؟

- من ئنسان درۆزنیگ نییم. ئەوه راسیه گه ی بی پیتان وهتم،
چۆنکه پووس ئەو خه ره پهنج لیڤه تیه رزی و هه ره ئەوقه ره دامه سه
پئ، به لام ئرا خوهی هه یچ قیمه تیگ نهیری و ئیمروژ توپی و که ولئ
که نم و چه ره لی سازم.

وه ئە لاجه وییگه وهتمه پی:

- ویشن ئنسان نیمه ی ئیمان! ئیوه چه جۆر مه لمانیگین ک

خه ریگ وه پهنج لیڤه سه ندیته، چۆن توای بفرۆشیته ی پهنج هه زار

لیڤه؟!!

کابرای ده یشته کی له سه ره خوهی پاشخوانی داوه و وهت:

- کاکه گیان واز له و شه ره شه قه بار، من هه یچ وهخت ناتوام

خه ره گه م بفرۆشم. ئیوه ئرا چه ئەوقه ره له سه ری چین و دهس له

کۆلم هه لئاگرین.

- وەتم "پیره" وەتین قەوی ناکەئ. ویشم: وە دەرد ئیوہ ناخوہیت
واز ناتیرین. راسی خاس بی ہاتە وھۆرم، قول دوایینیشی شە لە...
- تماشای کردیتە؟ ئیوہ ک ئیسە وە هیچ لە ونیگ دەس لە سەندن
ئێ خەرە هەلناگرین، ئا من بیەسە جی گومان. گەھا^۱ رازیگ لە پشت
ئێ خەرە بوو، ک ئەو کابرای بیگانە ی بی دین و ئیمانە بزانی چەس،
ھەر وە ی خاترە ئامادەس سەربار تەمام ئەیبەگانێ بسینیدەئ. با فرە
لە سەرئ نەچیمن و منەت نەنەمە سەرتان، قسە یە ک کردمە و تەمام،
خیر لە لئ بوینین.

وہ پرفسۆر وەتم:

- کەمتر نایەیتەئ، پارەگە ی بییە پئ، بابچیم و لە دەسی
قوتارمان بوو.

پرفسۆر وە خیرایی لە بەرابەر قسەگەم وسا و وەت:
- نە کاکە گیان! چە بیمە پئ، خەیاڵ کەیت ئەو دەیشتەکییە یلە
تەماھیان ھەد و ھەساو دیرئ. پەنج ھەزار لیڤریش بییەمە پئ،
دەسخرەمان کەیت و ئۆشی: دە ھەزار لیڤرە...

- ئە ی خاس! تو ویشی چە بکەیم؟

- سەر بنە سەرئ.

- هیچ قازانجیگ نەیرئ.

^۱ - geħa گاهەس، شایەد.

- به و تا وه جوړیگ خوهمان نیشان بییهیم ک له سهندنې په شیمانوه بویمنه .

- فکر خاسیگه، وهختایگ بزانی، ئیمه چیمن گلماں دهیته و.
هر وه ئه و خاتره ته قالا کردیم هه لّس بنیشمان خوهزایی^۱ بوو،
خودائفزی له لئ کردیم.

من وه تم:

- خاس، ئرامان دهرکفت نه تواستی بفرۆشیته ی. خوهت وه کیلی،
بنیشه خوهش!

تماشا کردیم کابرای دهیشته کی هیچ وه رق خوهیا نه هاورد. چیمین
ئیمه ئپای هیچ کاریگه ریپگ نه یاشت. له وهختیگا تواستیم بکه فیمه
رئ، وه تم:

له قه له بهخت خوهت مه یه. بیجگه له و بیگانه ی شیته، که سیگتر
هازر ناوت وه ئه و نرخه خه ره گهت بسینئ.

کابرای دهیشته کی له سهر خوهیه و و وه ئه سپایی وه ت:

- رووزی و هه والّه ی ئنسان هه رچپگ بوو، هر ئه وه سه! ..

دو سئ هه نگاو چیمن... نوورپستیم چه بئ قازانجه! گله و خواردیم و
کابرا یه ی بسکه خه نه یگ گرت و وه ت:

- زانستم گل خوهینه و دوا!

^۱ - xweza ته بیئی، سروشتی، نادى.

له وه زیاتر چشتیگ ترهک نه وهت، به لام خه نینه گه ی هه زار مانا به خشی .

سه رتان وه ژان نارم . له شوون دو ده مژمار چه قه په ل، وه دو هه زار و پانسه د لیږه مامه له ی خه ره گه بریمنه و . پاره گه دایمه کابرای دهیشته کی . وه خاسی ژمارده ی و ناده ی ته نک ی باخه لی، له شوونیا جله که له کۆل خه ره گه گرته و و شارده وه ی و هه وساره گه یشی نا قول مشتمان و وهت:

- خیر له لی بوینین . خواه هاتین!

چشتیگ نه مابق چه وهیل پرفسۆر له خوسه و قینا ده رپوقیت . وه ئە لاجه و بیگه و نوو رپستیا ده جل خه ره گه وه! هه ر وه تی جادوو له لی کردنه . هه ردگ قولی جور میخسکه لکیا زه ویا . کابرای دهیشته کی یه ی تماشای سه ر و که پول پرفسۆر کرد و وه تۆله کییه و وهت:

- بیچاره له خواه شیا خه نی بییه ، هه ر ئۆشی گه نج په یا کردنیه . وه گه رد خواه تانا بوه نه ی خیر له لی بوینین .

پرفسۆر وه ئە سپایی له لیم پرسیار کرد:

- ئیسه چاره مان چه س؟

- ولا نازانم چه بۆشم!

- هه وه ست بوود ک نه رپه سیته وه! که میگ چیمن و له شوونیا گله و

خوهیم و تۆشیم خه ره گه سه رما خوه ی، ئە و جله بییه پیمان با بکه یمنه ی کۆلییا .

هه‌وسار خه‌ره‌گه گرتیم و رڤیا داگرتم. به‌لام چ چینیگ، پرفسۆر له دواوه، خه‌ره‌گه پال دا و منیش له وه‌روه هه‌وساره‌گه‌ی کیشام. به‌لام هه‌رچینگ تیڤۆشایم خه‌ره‌گه جم نه‌خوارد. خه‌ره‌پیر مه‌یلان چیین له سه‌رئ په‌رۆد و ئیمه‌یش نه‌توانستیم وه‌ره‌و نووا هه‌نگاو هه‌لبگریم. ئه‌گه‌ر ئرمان بکریا جله‌که له ده‌س کابرا هه‌لپه‌رچکانیم، خه‌ره‌گه وه‌ره‌لا کریم و کیشایمه‌نه قولا. وه هه‌ر شیوه‌یگ بی، خه‌ره‌گه سئ چوار هه‌نگاو بردیمنه‌و نوا. کابرای ده‌یشته‌کی هاوار کرد و وه‌ت:

- بووسن چشتیگه لیتان ماگه‌سه جییه‌وا!

له دل خوه‌ما وه‌تم:

- شوکر وه به‌شت خودا. ئیمه هیچ نه‌وه‌تیم، کابرا خوه‌ی خه‌ریکه جله‌که ده‌یته پیمان. هه‌ردوکمان وه خوه‌شله‌خوه‌شی گله‌و خواردیم. پیاگه‌که هاته لامان و وه‌ت:

- نقیزه‌ی خه‌ره‌گه له هۆرتان چییه، له‌یوا دیار ک ئیوه ناشاره‌زاین و نازانین خه‌ر وه بی نقیزه‌ناکه‌فیته رڤیا...

نقیزه‌ی خه‌ره‌گه له لی سه‌ندیم. پرفسۆر فره بی‌تاقه‌ت بی، نوورپسته منه‌و و وه‌ت:

- بابه زۆکه بوپوه‌ی، وه گه‌رد ئه‌وانه‌یا گه‌مه‌ناکرئ.

وه پیاگه‌که وه‌تم:

- ئه‌و به‌سه‌زوانه نه‌خوه‌ش که‌فیت، پیر و که‌فتن و په‌قه‌له، سه‌رمای بوو، ده‌ینی بووه ملمانه‌و... ئه‌و جله بییه پیمان تا بکه‌یمه‌ی کۆلئ. ئه‌و جل قه‌دیمی و پیسه وه ده‌رد ئیوه ناخوه‌ی.

کابرای دهیشته کی سه ریگ له قان و وهت:

- ئەو جله وه دهرده هیچ نیه خواهی، به لام ئەگەر وه قزم^۱
کیشمانه ی^۲ خوهم ته لا بییهینه پیتم نافروشمه ی!
- ئرا چه؟

- ئرا چه نهیری. مال فروشتن نییه. ئەوه له باوک و باوه گه وره م
ئرام وه جییه و مایه.

ده - پانزه نه سل ئیمه دیهس و یادگاری بنه ماله گه مه و ناتوانم
بفروشمه ی.

وه سه رها ته گه ی ئرا پرفسور تاریف کردم. فره ناراههت بق و وهت:

- ئەو قسه یل هیچ پوچه دی چهس. یه ی جل خه ر قه دیمی، سه
چون بووه جی شانازی بنه ماله یگ.

کابرا وه ماز یه که قسه که ی پرفسور ژنه فت، ده سه وه جی ئە سه بان ی
بق و وه جدی پاشخوانی داوه:

- ئیمه ژنه فتمین ئەو بیگانه یله ئایه مه یل خاسیگن و کار وه کار
کهس نه یرن. به لام روژنه وه بی ک ئەوان له گشت که سیگ فره تر ئەهل
قسه و باسن. وه ئەو چه یادگاری بنه ماله ی من چهس و ئرا شانازی
بوو یان ناود. ئەو خه ریگ له من سه ندییه، پاره گه ی داسه پیتم و
خه ره گه ی وه رگرتییه. له ئەوه زیاتر داوای چه که ید، با له ئیره شوونی

^۱ - qizim ئەندازه.

^۲ - kişimane وهزن.

بوورپځ و بکهفییه شوون کاروبار خوہیا، دەس له سەرمان هہلبگرځ،
با ئیمیش سەرقال کار خوہمان بیمن. من سەر له و کاره دەرناکه م.
نازانم ئەو جلہ چہس، ہەر جارہ کہمہی کۆل ولاخہیل پیر و کہفتییا،
دہسوہجی بسین ئرایان دوینیہیتوہ و ولاخہگہ له لیم سینن. پہنج
سال ئازگارہ من ئەو کارہ ئەزمون کہم، گشت جارځگ بیگانہکان
سیننہیان.

زاورم چئ پرفسور له داخا سہکتہ بکہیت. وہ ئەسپایی دەسی
گرتم و کہفتیمہ ریئا. چہن ہہنگاوځگ چیمن و کابرای دہیشتہکی
چری ئەویپیمان و وەت:

- من زانم ئیوہ ئەو خەرہ وہ دہردتان ناخوہی و له ناو ری
وہرہلای کہین... گځچہل ئرام ساز مہکەن، ہەر له ئیرہ وہرہلای بکہن
تا من جلہکہ بکہمہ کۆلی و بفروشمہی یہی خەر تر.

خەرہکہ وەرلا کریم و چیمن وەرہو لای جیبہکہ. پرفسور وەت:

- من فرہ دیہاتی زیرہک دیمہ، بہلام ئەو کابرا وەل گشتیانا

جیاوارتر بی...

سوار جیبہگہ بیمن، پرفسور ہەرہو وچورہ نقیزہی خەرہگہ وہ
خیرایی گرتبوہ قول مشتئ.

پرسیم:

- ئەو له تہ ئاسنہ ئرا چہ تہ؟

وہ خەننہو پاشخوانم داوہ:

٤. / و: سارو خوسرهوى

- ئەوه جۆرىهى خاتره خههوى ناو كولىكسىون ئەتيقه كانم و
هه لىگرم! نقيزهى پرپايه خيگه. گهرد خوه ما به موهى، تا جۆر
نموونه يگ له سه ودا و مامه له يل تو نيشانئ بيه م.
- ئەرى كاكه! ئيسه ك تو له مه سه له گه ئە وره سبت بايسه
هه رچيگ زوتر بكه فيمه هورشهى، هه قمه ك په رۆش و نارهه ت بم.
ئابرومان چى، به دبخت و بيچاره بيمن.
من فكر له و رۆداوه كردمه و، وه راستى ئرام رۆشنه و بى ك كابر
هه ق وه دهسيه. فره سهخته ئايه م ئابرووى بچوو، تازه ئە وه يش وه
خاتر چه؟ وه خاتر خه ريگ!.

پياگ خاس

مامه حسەين! ھەر جۆريگ بوو، پياگ ناتواني ئەو چشتەيلە
پيشبيني بکەئ.

ئەگەر ھات و لە دەسئ ئسەباني بۆد و قەمچي لە لئ ھەلگەردی و
دايتە لئ، دوبارە ۋە رق خويەيا نەھاوردەي و دەس لە کار خراو
ھەلنەگرد، ۋە مل شکياگەو کلئ بکە ئرا سەربازي. ئەگەر سەربازي ۋە
پەرتخ رەسان و نوورپستي، چە جۆر جارەن سەرەخوەر و ھيچ
تەوفيريگ نەکردييە، ژن ئراي بخواز. بەلام ئەگەر جاريگتر ري راس و
دروس خويە نەيەو، دو لەقە بدە ناو قنگئ و لە مال و تەنانەت لە
ئاوايش بکەرەي ئەودەر و تۆرەي بکە!

کاکە گيان، سەرئەنجام کار ئەو سە ک ئەو لە ئاوايەگەتان دەر
بکەي. با بچوو ئرا ئاواييگتر. ئەگەر کاريگ ئەو جۆرە ۋە گەردنيا
بکەين، چوو و ئرا خويە بووہ پياگ خاس و ھەساوييگ. ئمجا ئەو

دهمه، ئەگەر چەوت بکەفیتتە پێ ئەلاجەوێت تێ و باوەر ناکە. پێشەنان وەتنە: "هیچ کەسێگ لە ئاوابی خوەی ناودە پێغەمبەر. لە پاسبیا ئەو فەرماشت پێشەنانە فرە راستە. تو ناو هیچ پێغەمبەرێگ ژنەفتیە ک لە ئاوابیگە خوەیا ناوبانگ دەرکردبو! هیچ دەم. حەزرت نوح رەحمەت خودا لێ بوو، لە ناو خزم و خێش خوەی ریز و قورب نەیاشت و وەتنە پێ: "ئیمە وە پێت ئۆشیم نوح! نە پێغەمبەر!" بەلام ئەو پێغەمبەر گەرەبی. وەتم: ک وە ئەو جۆرە ناود مام حەسەین، هەر وە قسە و رابوێژ و پینمایی کردن هیچ وە هیچ ناکەیت.

یەکمجار وە کوتەک، ئەگەر فایده نەیاشت، وە مل شکیاگێ کلی بکە ئرا سەربازی. تو نازانی شەپازەیل سەرچوخە چ شوونەوارێگ لە شوون خوەی هیلیتەجێ. گیاندار هار و وەهشی کەنە سەگ کەر و مردێ. بەلام ئەگەر هات و سەرچوخەیش هیچ کاریگ ئەو پێ نەکریا ئەو دەمه ژن ئرای بخواز. چۆنکە ورسیه تی ئەسپ هێرەکریاگ رام کەیت و ژنیش، پیاگ قووشمە و چەتوین. ئەگەر ژنەیش زات نەکرد خوەی بدەیتە تخونێ و ئرای رام نەوی وە قامچی سەر و ملێ بکوت و لە ئاوابیگەتان بکەنە ی ئەودەر.

ئیمە لە ئاوابیگە خوەمان، کورپگ داشتیم، وەپێ وەتیا "مرايه وەراز". خودا وە دەور سەرمانەو بوو، لە ژیا نا هاوتا و هاومال نەیاشت، ئەگەر تو ئەو بیاتای سوژدە وە کورپەگە خوە کردیای. مرای دە سالان بی وە دار و کوچک کەفتە گیان دالک و خوەیشکێ، ژیا ن لە مەردم کردبوە ژار مار. هەرچەن وەگەردییا خەریک بیمن و

وهپځ وهتيم: "مراي گيان بهو پياوهتي بکه دس له و قوشمه بازیه مهلبگر!" قسهی کهس نه چپیه گۆشپیا! سهگهیل ئاوايه گه گرت و نالیان کرد. له کهل و کۆلان مالهگان ئاو لیژهو کردیاد. له بهدغهپی و بهدجنسی بال شهیتان شهتهک دابو.

رۆژ جومه یگ خه لک له مزگهفت ئاوايه گه کۆوهو بین تا نماز جهمايهت بخوهنن. پیشنمازه گه مان له وهخت خوهی نه پهسی، ئیمه چه وه نواری کردیم. وهختای سهر کرده ناوا، مهردمه گه وه دبین ئه و دس کردنه هریکا هاك و خه نین. وه خاتر ئه وهی ک چر و چهو مه لاگه مان رنگ کریابو. فره ئه لاجه وی بی یه ی لای روومه تی سوور و که و بی و لاکه ی تره کیشی زهرد و سهوز بی. وهختای سلام کرد، هیچ که سیگ له وهر خه نین ئرا هه لنه کهفت پاشخوان سلامه گه ی بده یته و.

رۆشنه و بی مه لاکه مان، له ژیر یه ی دار چنار نزیک کانی ئاواپی خهفتبو "مرايه وراز" وه دزیه و چپیه س ئرا لای و سهر و دیمه نی رهنگ کردیته. مراي گرتیم. وه له قه و شهپازه که فتمه گیانن. بی شهرم، بی ههیا، چاره واه ئه وه چ کاریگه کردیته؟

وهت:

- تواستم وه ئیوه سابت بکه م که مه لای جهمائت وه بی ئه وهی ک دهس نماز بگری نماز که ئی. چونکه ئه گهر مه لا دهس نماز بگرتا، ئاوه گه رهنگ گرت و له و رهوشه خه وهر داره و بی. به لام وه و جوړه دیاره مه لا وه گهر د دهس نماز گرتنا سهر و کار نه یری. مراي دايمه وهر له قه، رمیایمه کۆلییا، به لام ههر له رق نه چپ.

مام حسهین، هرچینگ باس له ئەجۆلی و قووشمه‌بازی مراهه وراز ئپراتان بکه‌م، که‌مه و باس کردن له هه‌لس و بنیشه‌یل خراوی بی ئە‌نازه. یه‌ی پیره ژن هه‌فتا سا‌له له ئاوا‌یی ئی‌مه بی، وه‌تیانه پی دایه فاتم. مراهه وهراز چوارده سا‌لان بی دایه فاتم وه گهرد خوه‌یا بردبق ئپا سه‌ر یالیگ و سئ شه‌و و سئ روژ لای خوه‌یا گیرئ دابو.

ئیمه‌یش شوون پایان هه‌لگه‌ردیم، تا له یه‌ی ئە‌شکه‌فت سه‌ر یال، هه‌ردگیان ناکاوگیر کریم. مرای وه سه‌ر خوه‌شی لنگی دریزه‌و کردبق، چه‌پله‌ دیاده لئ و پیره ژنه‌گه روته‌و کردبق و وه رو‌تی نابوته‌ی هه‌لپه‌رکه‌کردن.

بی‌قیمه‌ت، بی‌نامووس، بی‌خیره‌ت... هه‌رکه‌س هه‌رچشتیگ هاتیاده ده‌سیا گرتیاده‌ی له مراهه وهراز. مرای کوته‌لکو کردیم، ئە‌وه‌نده دایمه‌ لئ له پا که‌فت و له هه‌یوه‌تا هازه لئ برپا. گشتمان شه‌که‌ت وه‌له‌که‌ت بيمين. تف کردیمه ناو نه‌خسورئیا.

تا ئە‌و ده‌مه له ئاوا‌یی ئی‌مه چشتیگ وه‌و ئە‌وجۆره رق نه‌دابو، به‌لام مه‌گه‌ر مرای له رق خوه‌ی که‌فتیا؟ وه‌ت:

- من چه‌ کردمه؟ ئپا چه‌ ده‌ینه لیم؟ ئیوه، هه‌یچ کامتان ناچین هه‌والیگ له دایه فاتم بپرسین، ئە‌و بی‌که‌س و لیقوما‌یگه و بی‌پیاگه، من تواستم که‌میگ دلئ وه‌ زنگانی گه‌رم بکه‌م. سه‌رله‌نوو رمیایمه‌ کو‌لئ، دایه فاتم وه‌ت:

- بکه نه ری خودا! ئه و مینیتته وه چه رزای من. ئیوه مرای بیبهخت و بیچاره کوشتین. خودا هه زاران کهس وهک من بکه یتته قوربانئ. ویلئ بکه ن باچووت!

دایه فاتم، په یشتیا دهس و پامانا و مراییش له ئی دهرفته دو کلکه ی خوهی نا و له دهسمان خوهی دهریاز کرد و قوتار بق. ده میگ له ئیمه دوره و کفت هاوار کرد و وهت:

- دز و قازی، ئه و یهک رازی، قابز^١ واز نه هاورد! براگه م من رازی و دایه فاتم رازی، ئیوه تواین بوشین چه خه رفامه یل!

مام حسهین، ئامان له دهس ئی شهیتانه! هیچ که سیگ تا ئیسه شوال پلینت جور مرای وه چه و نه دیه. ئه گهر کاره یل وهر دوی ئه و ئپات تاریف بکه م ئه وه ل و ئاخو نه یری.

شه ویگ دۆکه ل و ئاگر له ئاوی ئیمه به رزه و بی. خه لک له مال دهرپه رین تا بزنان چه قومیاگه. که یانه گه ی مال سمایل سه ربا ز ئاگر گرتیو. ئاگر له گشت لایگه و زوانه کیشا. سمایل له خزمهت سه ربا زی بق، بیچاره تازه ژن خوازیو. وهختای چه ومان وه ره وشه گه کفت وهتم:

- ئه وه کار مرایه. مرای گرتیم و له لی پرسیم: ئه وه چ کاریکه کردیته؟

وهت:

^١ - qabiz فزوول، بشیون.

- جاريگ چکيگ سهور بکن ئهوجار زانين ئرا چه ئي کاره کردمه .
- مام حسهين، له شوون قسهگه‌ی مرای قيژه و هات و هاوار له ژن و پياگيگ به‌رزو بی، ئه‌وان له ناو که‌يانه‌که‌وه هاوار کريان:
- ئه‌ی هاوار، بره‌سنه هانامان، سزيایم... ئاگر چييه ليمان. له ده‌رگه‌ی که‌يانه‌که‌وه ئاگر هاتياده دهر و دۆکه‌ل ئايه‌م خنکانيا .
- فره پي نه‌چی هه‌ردوکیان ناسيمن، له ته‌شاوی^١ که‌يانه‌که‌وه ژنه‌ی سمایل و قوخای ئاوايي ديمن .
- قوخا، تو چه که‌يت له ناو که‌يان ئي ژنه؟!؟
- هاتمه ئه‌و ژنه له ناو ئاگر قوتار بکه‌م. به‌لام خوه‌م که‌فتمه هه‌چه‌لا...
- گير که‌فتمه ... کومه‌ک!
- وه ته‌شاوييه‌گه‌يا به‌وه ده‌يشت!
- خوه‌ت فر بييه ده‌يشت، قوخا!
- ناتوانم رۆتم و سپال^٢ له وه‌رم نييه . يه‌کيکتان بچن سپاله‌کانم ئرام بارن .
- چۆن وه رۆت ئبريان هاتيه ئرا ئيره؟

١ - teşawî ده‌روه‌چ، ده‌لاقه، په‌نجه‌ره .

٢ - sipal جلوبه‌رگ، دلنگ، له‌باس .

- دياره قوڅا زانستپه ئه و كه يانه ئاگر گرتپه و وه هه له په له هاتپه تا ئاگره كه بكوشپته و.

له وه ختا ژن سمايليش دهس كرده قيژ قاژ و وه ت:

- ئه ئى هاوار هاوساگانم خهريكه بسزيه م، شه ويگ، ده ورمليگ، يان چشتيگتر بپه نه پيم تا خوه م وه پي داپوشم و بامه وده ر.

چشت نه نوومه تيگ^١ بي، ئرا چه ژنه ئى سمايل وه روتى چپوه ناو كه يانه گه ئى خوه يان؟

مرائ وه راز وه ت:

- گوش بته كنن! ئه گه ر كه سيك سپال بپه يده ئه وانه، ماله گه ئى پمنه مل سه رپيا!

من مرئ خاس ناسيم، هه چيگ بوه تا جيوه جي كرديا. ئه و نيمه ئى شه و قوڅا و ژنه ئى سمايل وه روتى له كه يانه كه ديتبو، سپاله كانپيان هه لگرتبو و كه يانه گه ئاگر دابو.

قوڅا له شه رما قودره ت ئه وه نه ياشت وه روتى باپته و ده ر. ژنه ئيش له ترس گيانپيا گريا و وهك فئ ناو ئاو له رزيا. ته مام مه ردم ئاوايه گه مان وه ژن و پياگ و منالوه كووه و بين و نوورستنه قوڅا و ژنه ئى سمايلا. له ناو كه يانه گه بو وه شه پ و مرافه. قوڅا و ژنه ئى سمايل كووپان خه ريگ و زين ئه سپيگ وه پپيان بي، له دهس يه كتر هه لپپوچكانن تا به شكه م خوه يان وه پپيان داپوشنن. ژنه قيژان:

^١ - nenûmet ته لاجه وى، سه رسورمان.

- وه تویش ئوشن پیاگ! خودا بکوشیدهت... خوهت فر بییه دهر.
له وهر چهوم گوپرت گوم بکه.!
قوخوا وهتیا:

- دالگخیز! من قوخوای ئاوااییم. ناوت مهردم قوخواگه یان وه روتی
بقونن. کوپانه گه بییه من. له ناکاوا ئاگر چی له قژ ژنه گه و وه گریانه و
وهت:

- مهردم مسلّمان، برا مسلمانه گانم! سای سهر داخن و رق بکه نه و
ئه ولا، ئه گهر چه وتان بکه فیتته ژن که سیگ، گونای که فیتته گهر دهن
خوهتان.

ژن، له شوون قسه گانن له ددهروه چ که یانه گه وه خوهی فر دا
ئه ودهر و له و دهما وه ههردگ دهسئ وهر و دواى خوهی داپوشبق
پهرد بیه مالا.

له شوون ئه و قوخوا خوهی وهر داوه. جله خهرینگ له وینهی فووتهی
لیفهی هه مام هه لواسبوه ناوقه ی و زین ئه سپه که یش گرتبوه پشت
خوهیا و وه گه ل وه گه ل خوهی ته قانه مالا.

ئاگره که له هوره و چی، گشتیان وه دهنگ بهرز خه نیان.
مام حسیه ن، به زم و گیچهل مرای وهر از وه قسه ته مام ناوت و
ته مام ئه و چشته یله گشتی له لای ئه وه فره ئاساییه. ئه و وه دهر
سه ربازیش نه خوارد، ئه گهر وه زوره ملیش سه رباز بگردان، ناوی
نوسایم و کلئ کردیمن ئرا سه ربازی. ئیمه خه لک ئاوایه گه مان بنکول

چيمن ئرا دادگه و ئمر مرای بردیمه سهر و لهیوایشه کلئ کردیمن ئرا سهربازی .

ئاوایهگه مان هه ناسه ی ئارامیگ هه لکیشا . تو تام و مهزه ی مشت و لهقه ی سه رجۆخه نه چه شیهته ؟ وه تیم :

- بهشکه م شهپازه و مشت سه رجۆخه باریتیه ی ئه و ری ره وهن ، خدا بکه م نهوینی ، له شوون شهش مانگ ژنه فتمیم مرای وهراز بۆسه سه رجۆخه . له وه ئه ودوا ئرا ئه وه نه کریا دهس له لئ هه لوهیت . مال پیایگ کاول کردیا .

هالیه ^١ سالینگ له سه ربازیه گه ی ره ی بۆ ، وه تیان :

مرای بۆسه گورۆبان . مهردم چرچ چینه ناو دلئیان . خدا وه هال ئیمه بسازئ! ئه گهر باتا و سه ربازیه گه ی مرای پهنج ، شهش سال بیاتا ، بیگومان بۆه سه روان و سه رگورد ، جا ئه و دهمه خه پگ کووره بگرتایمنه سه ر خوه مانا له دهس کاک مرای .

هیچ کهسیگ له وه رانه وری زوان نه چه کان . دو سال خزمهت مرای تهمام بی ، هه وگلئوه بی ئرا ئاوابی ، فیزی له ئه نازه ئه ودهر بی . مهردم زاورییان چی وه دهور وه رییا پاقاژه بکه ن . ئه وسا مرای وهراز بی ، کهس زات نه کردیا خوه ی له توخنی بدهیت ، ئیسه بۆ وه گورۆبان مرای ، کی زیه لئ کرد بۆشی خه ره گهت وه چه نه ؟ مهردم زات نه کردن وه ناو ئاوابیا هامشوو بکه ن ، له ترس مرای شه و و رۆژئیان بۆه یه ک .

^١ - hifaye ته قریبه ن .

تا یهکه رۆژتینگ مهردم ئاوابی کۆوهوبین و رهسینه ئی ریکاره ک ژن
ئپای بخوازن و وهتیم:

- خاستره ژن ئپا مرای بخوازم!

مرای وهت:

- من ئیسه بيمهسه گورۆبان، دۆت ههه که سیگ بتوام خوازمه ی

و پارهی شیراوی و مارهیشی نایه مه پی.

ئهو داوای دۆت شوکر ئاغا کردیا. شوکر ئاغا پیانگ خاسیگ بق.

ئهو ته نیا دۆتینگ داشت ک جور سومای چه وه گانی دۆسی تواست.

دۆته گهی ههه وهتی گوڵ باخچهس. گهرد خه لک ئاوابیه گه مانا

چیمن ئپا لای شوکر ئاغا و وهتیم:

- دهرمان دهرد ئیمه ها لای تو! بهو پیاوه تی بکهو دهس بییه ژیر

بآمانا تا به شکم ئهو وراز هاره له قاو بکهیم وه گهر نه بایه س چه ن

رۆژ ترهک دهس له مآل و زنه یی خوه مان بشۆریم و له ئیره بچیمن،

ئیمه په لام هاوه ردیمنه سه مآل جنابت، هه رچینگ شیراوی بتوای

جیوه جی که یمن.

سه رتان وه ژان نارم، مرای وراز بییه خاوه ن ژن و پآل ئپای داوه،

بایه س مهردم کار بکردان و به شیگ له پوله گیان بیاتانه مرای وهراز و

ئوهیش ههه خوارد و خهفت، تازه قهردبارمانیش کرد و وهت:

- من باج سه نم و له ئیه ئه ودوایش ئپاتان نییه یه ی ئایه م زنی وه

مردی ماری بکهین، یا ئه وهی ک ته مام کشتوکاله کانتان که فیته

وهه سه مان، یا ئپا ئه وهی ک میرات که سیگ قوتا بیهین، ژن مردی وه

زنێ بنۆسین و مارهێ بوورپین له پیاگن ترهک. بئناموسهیل، لهیساودوا بایهس وهگشتی خزمهت وه من بکهین.

ههچهن، وهتیمه پئی و له لئ لاکیایمه و تا نهقیرنی وه سهرمانا و بۆله بۆل نهکهیت و قهول دايم یاریی بدهیم، وهلی ئه و زوان ئه ودهم نههاورد. رۆژێگ له قاوهخانهی ئاوايهگه مان، له دهوری چاتمه دايم وه پئی وهتیم:

- بابه گیان، مرای سهرگورۆیان! ئرا دهس له سهرمان هه لئاگری؟
مرای وه ئه سپایی جوواو داوه:

- من بکه نه قوخای ئاوی. ئای، سهگ باوگ شووال پلێت!
قردگن مابق یهجارهکی ئابرومان بوه. وهختایگ زانست، ک ئیمه ناتوایم ئه و بکهیمه قوخا، ئه سه بانێ بی وهت:

- ئیسه ک وه قوخا قه بوولم ناکهین، با بوومه پێشمنان! ...
نام خودا! مهگەر کریا پیاگ له پشت سهگینگ وه وچۆره بووسی و نماز بکهی؟ مرای رۆژ له شوون رۆژ فره تر له ری راست داگه ردیا، ژن مهردم رپان و بردهی ئرا سه ر یال، دزی کردیا، مئ وه نالانجی له مهردم وهرگردیا، خه رمان ئاگر دا و... سه ر بار ئه وانه یش خه ریک بق بووه پێشمنان و وهتیا:

- من بکه نه پێشمنان خوه تان گیانتان وه سلآمته قوتار بوو.
وهیلا گشتان توپنم.

مام حسهین، هه رچینگ بوه تایی له دهسی هات. له لای خوه مانه و وهتیم:

- ئیمه ئرا چه کاریک نه کهیم مرای له خشته بوهمین!
له ناو خهوا ناکاوگیرئ کردیم و رمیایمنه کۆلئ و په لکیشئ کردیم
ئرا سهر یالّه گه .
- کوره مهردم! ماز رهزای خودا ئه وقهره بییه نه لی له پا
بکه فی، تا له دهسئ قوتار بۆمن .
کوتله کۆئ کردیم، کردیگ وه سه ریئ هاوردیم لووتی وه سه ر
ئه نته ر نه هاوردبو، یه کیگ، وه هه نه هه ن کوته که گه ی به رزه و کرد
وه تیا:
- ئه وه گوپت بوو قوخا! ئه وه ی تر وه قه مچی چیه گیانی
وه تیا:
- ئه وه به سته جناب پيشنماز...!
مرای له ناکاوا خوهی له دهس ئیمه ده باز کرد، هه لسا سه رپا و
وه ت:
- قورم ساقه یل، من له ئیره چم و بوومه پيشنماز خوه نیگ ک
بانگه وازم له گشت شوونیگ دهنگه و به ئ. له شوونییا وه لاوکه لاوک
که فته رییا .
مه ردمه گه وه تن:
- تو بچۆ دهس له کۆل ئیمه هه لبگر و له حیاتی پيشنماز بووه
ئایه تولا!
مام حسه ین له یوا له دهس مرای ده رباز بۆمن. له شوون ماوه ی
فرهیگ، ئاوا یه گه مان ئارامه و بی. چه ن رۆژیگ ره ی بی و ناو مرای له

هوره و چي. مانگ روژيه تي^۱ هات و ئيمه مهلايگ هاورديم ئرا
ئاوايه گه مان. مهلاگه فره پياگ خاسيگ بي، ئه وهنده پياگ خاس بي
ك بايهس له جياتي دهسي، پاكاني ماچ بكرديمن. چهنئ مسه لمان و
خواناس بو، باوه و وه پيم بكه نور كرامهت له سهر و سيماي وارييا.
له شوون جهژن روژيه تي، له لئ داوا كرديم و كه فتمه بان دهس و
پاي تا له لامان بمينيته و ئيمه يش هه رچهن ك ئه و بخوازي لامنجي^۲
ناريمن!

دهس له كوئي هه لنه گريم و له ئاوايه گه ي خوه مان نيشته جيئ
كريمن.

روژيگ له روژه يل، له ئاواييگ ك پهنج ده مژمار له ئيمه وه
هه يمهيئ^۳ بي، يه كيگ بيه ميوانمان. ده ور وهر نيمه پوژ له مزگه فت
ئاوايي هات و هه راي گه وريگ سازيي. هه ر وه تياي مزگه فته گه رمياسه
سه ر مه ردمه گه يا! گشت لايه گ چه و بريوه مزگه فته گه يا. نوور پستيم،
چه ميوانه گه مان مهلاگه ي ئيمه نايه سه ژير و وه مشت و له قه
وه شكياسه پيوه. وه زوور و نك جرييگ مه لا له ده سي ده رهاورديمن،
سوار سه ر كابرا بيمن و وه تيم:

^۱ - rojiyefi مانگ روژي گرتن، مانگ ره مه زان.

^۲ - laminci lam، (لامنجي ناريمن: لام ناريمن، نارازي نبويمان و ده سپيچگ
نه گريم).

^۳ - heymey فاسله.

- مآل کاول! تو ئرا دوس له و پیاگ ریژ و قوربداره بهرزهو کهی؟
کابرا قیران و جواو داوه:

- پیاگ ریژدار چه!... له ئاواپی ئیمه وه هاتییه ئرا ئیره ریش ئرا
خوهی دانایه و خوهی کردیسه پیشنماز. ئه و قورمساقه، ژنهگه ی من
بلین کردیه. بیلن با بکوشمه ی!

ئیمه سوار سهر کابرا بیمن و کوته لکوی کردیم و له پا خستیمه ی،
له شوونیا چیمن ئرا لای مه لاکه مان و داوی به خشین له لی کردیم.
روژینگ تر هر له و ئاواپوه، کابرایگ خه ریک بق پسای وه ناو
ئاواپه گه ی ئیمه یا چی ئرا شوونینگتر، له بهخت شه پ ئیمه، له
قاوه خانه ی ئاواپی چه وی که فیتته مه لا. تا دوس جمانیمه و، کابرا وه
قه مچی چاره واکه ی وه شکیا وه سهر مه لاوه. ئیمه وه هه زار زوور مه لا
له دوس کابرا دهرباز کردیم. به لام کابرا دهم وه یه ک نه هاورد و هر
دژمین دا و قیران و وه تیا:

- بیلنم با ئه و بی شه ره فه بخنکنم، ئه وه رییه نه گه ی من دزییه و
فرۆشاسان. ئیمه ئه و سه گ وه ره لا له ئاواپه گه مان ده ری کردیمنه.
نازانم چۆن هاتییه ئرا ئیره و خوهی کردیسه مه لا و یه ی بافه په شم
و ریش دانایه؟!

ئه ری برا له دنیا دو کهس له ره نگ ناچن؟ خودا له گشت چشتینگ
دو دانه ئافراندییه، به لام داخم مه ردم سهر له ی کاره ده رکه ن....
هر کهس له ئاواپینگتر هاتیا ئرا ئاواپی ئیمه، وه ماز یه که چه وی
بکه فتیا وه مه لا گیچه لیگ ناوه، فره ی نه مابو له ناوین ئیمه و ئه وان

خوینینگ بکریټ. ئیمه کارمان بۆه ئیه ک هۆشمان وه مه لاگه مانه و
بوود و بپارێزنی مه ی، له ئی لا کوشتنه ی و خوین ئه و پیاگ خاسه نریا
هه ساو ئی مه .

مام حسه ی ن چۆن ئپرات^۱ بپارزنده و، خوه ت خاس زانی ئه گه ر
که سیگ شیوه ی له شیوه ی پیاگ خراو بچوو، توش چ گیچه لیگ بوو.
کاکه گیان، ئه و به زمه هه ر له یوا وه په رتخ نه په سی، یه
شه وه کیان گوڵ سوو وه قیژه و هاوار و هانای خه لکا له خه و
هه لپه پیم، نوورپستم چه خه لک ئاوایه گه ی پال ده سمان وه
سه رسوارییه و هه لامات هاوردنه سه سه ر ئاوایه گه مانا .

ئه وان وه تیان یان "مه حموود جانه وه ر" بده نه و ده سمان یان
خوه تان ئاماده بکه ن ئپرا شه ر زاکان^۲ گه رد ئی مه یا؟!

- مه حموود جانه وه ر کییه ؟

- ئه و بئیه شه ره فه سه و بئیه چه ک خوه ی کردیه سه مه لا و کلاو

ناسه و سه ر ئیوه!

- خاس! جارئ ده سگیر ده ن، با دانیشیمن و که میگ وه ل یه کا

قسه بکه یمن .

ده ور دابۆن له ئاوایه گه مان و پا دابۆنه گه ز و داوا ی مه لا له لیمان
کردن . یه کیگ له پیاگه کانیا ن کل کردن ئپرا لای ئی مه تا وه گه ردمانا

^۱ - birazinimew تاریف بکه م .

^۲ - zakan ته ن وه ته ن، شه ر به رنیه ر .

قسه بکے. ئیمهیش دو کس وه ریشچهرمگهیل ئاوی، ک ساردی و گهرمی رۆژگار چهشتبۆن هه‌لۆژانیم. له قاوه‌خانه‌گه باس و خواست ده‌سپیکرد.

وه‌تیمه پێیان:

- تا دوایین چۆری خوینمان چه‌پۆشی که‌یمن له ئه‌وده‌س دان مه‌لامان! ئیوه تۆش هه‌له و خه‌یالات بینه، ئرا ئه‌وه هاینه سه‌ر ئه‌و باوه‌ره ک ئه‌و پیاگ خاسه "مه‌حمود جانه‌وه‌ر" ئیوه‌س. له ئیلا ئه‌و هه‌یج وه‌خت مه‌حمود جانه‌وه‌ر نییه!

- ئیوه هه‌له که‌ین و خه‌له‌تیانینه و ئیمه مه‌لای خوه‌مان ئه‌وده‌س ئیوه ناده‌یم. ئرا ئه‌وه‌ی ک زانیم گونا‌بار بیه‌ن و له دوارۆژا ناتوانیم پاداشت خودا بده‌یمنه‌و. ئیوه خه‌یال که‌ین له‌ی ده‌وره و زه‌مانه که‌س له ره‌نگ که‌س نییه؟ ئه‌گه‌ر ئیمه له‌ی دنیا وه ئارامی و سه‌رفزازی زنگانی که‌یمن و یه‌ تیکه نان ئاسووده له قورگمان چوود ئه‌وخوار، ئه‌وه هه‌لگه‌ردیه‌ده‌و ئرا لوتف و گه‌وره‌یی و که‌رامه‌ت و قورب پیاگ خاسیگ وه‌ی جۆره!

له پاشخوان ئه‌و ته‌فره‌نجه، یه‌کیگ وه‌لپیا وه‌ت:

- ئه‌وه پیاگ خاس نییه، ئیوه خه‌یال که‌ین مه‌حمود جانه‌وه‌ر ئنسانه. پیاگ خاس یانینگ "مه‌لامراد" پێشنامه‌زخوه‌ن و خوداناس ئاوی ئیمه! که‌رامه‌ت له قسه‌کانی واری و ریشی تا نزیک ناوکی درێژه. پا وه شوونینگ دانانه‌ی ک که‌سیگ وه بی‌ده‌سنماز وه ئه‌وره‌یا

رهى بۆت. ناو خودا لهو پياگه خاسه، وه پاستى مهلا يانئى مهلامراد
خوهمان.

- وهتى چه؟ ... مراد؟ نهكا مرأى وراز خوهمان بوو؟ سهرنج بئيه
بزانم، چه وهيلئى، كهو مهيلهو كاله؟!

- بهلئى ههرله يواسه.

- بۆش بزانم كلكه مۆتهلهى دهس چهپئى برياسهو؟

- ئرا چه نه؟!

لهو وهختا، خهلك ئاوايى ئيمه وه يهك دهنگ وه گهرد يهكا وهتن:

- ئرا چه دانىشتينه؟ ههلسن با بچيم ئهو بئى ناموسه بگريم وه ههر

وهك سهگ بتۆپنيمهئى. ولا برا بهزمه! ئهو بئى ههچه چئيهسه ئاوايى

پالدهس ئيمه وه خوهى كرديهسه پيشنماز!

ئى جاره خهلك ئاوايهگهئى تر كركپ بين، له شوون ماوهيگ وهتن:

- گهها تهنيا شئوهيان ئهويهكتران بكهئى، ئيوه ئشتبا كهين مهلا

مراد پياگ خاسيگه!

- تف له ههيا وشهرفت! رۆژگار په رهس... تف له دهرز تئولت

مرأى وراز. ئرا چه وسايينه؟ هئز بگرن!

فرهئى نه مابق خهلك ئهو دو ئاواييه بچنه گز يهكا وه بريمه نه كۆل

يهكتران. شوكرئاغا به شدارى له قسه و باسهگان كرد وهت:

- دهس گير دن! رۆشنهو بئى كه مرأى وراز ئيمه ريش ئرا خوهئى

دانايه و چئيهسه ئاوايهگهئى هاوپه پهمان وه خوهئى كرديهسه پيشنماز.

ههرله يوا مهلا جانه وهر ئهوان ريش دانايه وه ناو مهلا خوهئى وه

ئیمه یا هه‌لۆاسیه . فره خوه‌تان ئه‌زه‌یه‌ت مه‌که‌ن، گشت چشتیگ جۆر رۆژ پۆشنه . ئه‌وان له ده‌س "مراى وراز" ئیمه رازین و ئیمه‌یش له ده‌س "محمود جانه‌وه‌ر" ئه‌وان رازیم . ئیسه ئه‌گه‌ر بتوایم له ئاوايه‌گانمان ده‌ریان بکه‌یم، ئه‌وجار چن و وه‌ربوونه گیان و مال مه‌ردم ئاوايي تره‌ک . تازه ئه‌وه یه‌ی لای باسه‌گه‌س، چۆنکه دیار نییه ئه‌و ده‌مه‌ کى تۆ و بووه مه‌لای ئاوايي ئیمه . من فکر که‌م، خاستر ئه‌وه‌سه ئیمه گه‌رد یه‌کا ریگ بکه‌فیم و جۆر ئه‌وه‌ی ک هیچ روداویگ نه‌قومیايه، ئه‌و هه‌ر پیاگ خاس بوو له ئاوايي ئه‌وان و ئه‌وه‌ی تره‌ک پیاگ خاسیگ بوو له ئاوايه‌گه‌ی ئیمه .

له ئه‌نجاما، ئیمه مه‌ردم ئه‌و دو ئاوايي گه‌رد یه‌کا ریگ که‌فتیم و ناشتی کردیم و ده‌س کردیمه‌ باس و خواست و خواردن قاوه و چای و دوویش کل کردیم ئرا سواره‌کان . له شوونیا به‌دره‌قه‌یان کردیمه‌و ئرا ئاوايه‌گه‌ی خوه‌یان . له وه‌ختیگا ئه‌وان له‌پسای چیاان دانه لای رانا و وه‌تیان:

- چ هه‌له‌ی گه‌وره‌یگ کردیم، ئرا چه ئیمه قه‌در و قیمه‌ت مه‌حمود نه‌زانستیم . ئیمه‌یش جۆر ئه‌وان دايمه لای رانا و وه‌تیم:

- ئیمه ئرا چه پیاگ خاسیگ وه‌ک مراى نه‌ناسیم، کوته‌لکوئ کردیم و له ئاوايي کردیمه‌ی ئه‌وده‌ر . وه‌داخه‌وه ئیمه نه‌توانستیم مراى وه‌ خاسی بناسیم .

رۆژەیل و مانگەیل فرههگ و بهرد، مرای له و شوونه مهلاههتی کرد و خه‌لک ریژ و هورمه‌تی گرتیان و ئیمه‌یش هه‌رله‌یوا شانازی وه مه‌لاگه‌ی خوه‌مانه‌و کردیایمن.

به‌لئ مام حسه‌ین کاره‌کان له‌یوا چینه‌ نواوه‌و و رۆژگاریش چینه‌وسه‌ر.

ئیسه‌یشه‌ ئه‌گه‌ر تو نوورستی کورپه‌گه‌ت ده‌س له کار قیزه‌ون هه‌لناگرئ، له لئ ناھمئ مه‌و و نه‌قوشی له‌موور و بیکاره‌س. هه‌رچه‌ن ئه‌و خراو و به‌دغه‌پ بوو، نارپه‌سیتته‌ قول مرای وراز ئیمه‌یا.

جا هه‌ر وه‌ی بوونه‌وه‌ یه‌کمجار وه‌ قه‌مچی و کوته‌ک کوته‌لکۆئ بکه‌ و له شوونیا کلئ بکه‌ ئپا خزمه‌ت سه‌ربازی. ئه‌گه‌ر هات و ده‌س له کار و کردار خراو هه‌لنه‌گرد ژن ئپای بخواز. جا ئه‌گه‌ر هه‌ر نه‌که‌فته‌و سه‌ر رئ ره‌وه‌ن، دار له لئ هه‌لبگر و خوری کوتی بکه‌ و له ئاوابی بکه‌ره‌ی ئه‌وده‌ر. ئه‌وجار چوود و له ئاوابی تره‌ک بووه‌ پیاگ خاسیگ ک ئپا ئه‌وه‌ بوو خوه‌ت بکه‌یته‌ نه‌زری.

کام حزب پیروژ بوو؟

وہ تیان:

- مرادئاغا خہوہر لہ گشت چشتینگ دیرئ!

تازہ ہاتبوم ئہرا ئئ مہلبہندہ و چہن رۆژینگ میوان مال مرادئاغا
بیم. ئاغام لہ چایخانہ گیر ہاوردم.

- مرادئاغا، ئوشن جنابت گشت چشتینگ زانی و سہر لہ کار دہر

کہی، ناویشیتہ پیم لہئ ہہلبژاردنہ کام پارت پیروژ بوو؟

مراد ئاغا وہت:

- چشتینگ دیار نییہ!

وہتم:

- ہہرکامیان کارا بن و لایہنگریان فرہ بوو ئہوہیان لہ

ہہلبژاردنہگہ سہرکہفی.

وہت:

- نه خير ديار نيبه. نه نجام هه لېژاردنه گه ی "ناق قوینلو وقهره قوینلو" زانریاس، به لام نه نجام هه لېژاردن ئی شاره که روشن نيبه و له هه ر کهس پرسيار بکه ی، هيچ له مه سه له گه نازانی.

زانی نه پرا چه نازانن؟ دانیش تا نه پرات باسی بکه م!
چوارمشقی ئپرای دانیش و پای چه پی خسته و بان پای پاسی و سیگاره که ئی دایرسان و وه ت:

- جارئ له شاره ک ئیمه حزب و مزب نيبه ... نه گه ریش بوو هه ر ته نیا ناوییان هه س و کهس خه وه ریگ لییان نه یئری. جاران خه یال کردیایم حزب یانی ده ولت. یه ئی باله خانه ی پان و دریز و به رفراوان بی ک نه ویش هیئ ده ولت بق. له شوونیا حزبیگتر دامه رزیا وه ناو حزب "هه لا"^١. کامیل خه یات هات نه پرا لام و وه ت:
- مراد ناغا به و تا وه گه رد یه کا باره گه ی حزبیگ تازه دامه رزیایگ له ئی شاره که بنه یمه و.

وه تم:

- کوره کامیل! کوره نازاره گه م به ره گای حزب خو دکان به قالی نيبه، بجووه په ی کارت!
راز ی وه کیل نامه کل کردبق نه پرا کاروه ده سه یل نه و حزبه و له شوونیا هات نه پرا لام وه ت:

^١ - hizbi hela پارت قه پ و قال.

- مەردم ئى ناوچە گۆشتەكن قسەئ توون و وه قەوالت كەن، بەو تا يەئ بارەگای حزبىگ بنهيمه و.

وہتم: - كورە ئيوه خوہتان توش ژانەسەرى كەين، ئەى مەملەكەتە وه دەرد حزبايەتى ناخوہئ.

وہتيان: - زەمانە گۆرپاگە و ئيسە لە ئەمريكائيش بيەسە باو بايەس ھەركەس سەر وە حزب و لايەنىگ بوو.

سەرتان وە ژان نارم، حزب دامەرزانيم. وەگەرد بلأو بينەوہئ بانگەوازيەگەمانا، ھەرچىگ ئەندام حزب ترەك بين رشيانە سەرمان. ناوئوسىكەر حزبەگە دەرفەت نەكرد ناوہگان تۆمار بکەيت. لەرز نيشە گيانم، وەتيم چە وە ئى ھەمگە ئەندامە بکەيمن؟ وە رازى وەكيل سەرۆك بارەگاگە وەتم: بەو پياوہتى بکە با تۆمارگەكە داخەيم لەوہ زياتر كەس وەرنەگريم با توش گيچەلگ نەويم. وەت:

- توش ھيچ گيچەلگ ناويم، حزب ھەتا لايەنگرى فرەتر بوو خاسترە. كەس نازانى ئەنجام ئى كارە بووہ چە، ئەوانەى ك لە لاي حزبىگتر ھاتنە ئرا ئيرە سەريان لە حزب و مزب ناودوہ و تەقەئ سەريان تئ.

ھەرچىگ ھاوار كردم بئفايدە بو. مەلبەند حزب سپاسنامەيگ كل كرد ئەرا رەزا پاريزەر. فرە وە پئ نەچى وەتيان: ريبەر گشتى حزب تەشريف تيرئ. ھەر ئەوقەرە زانستيم شارەكەگە پڕ بى لە مەردم و دەرزى ھەلبخستاي نەكەفتە بان زەوييا. ئيمە خەيال كرديم رەزا پاريزەر قسەكەر خاسيگە، بەلام سەرۆك گشتى حزب چشتيگتر بى!

وه جورىگ وه لا چه وراوه گه يا ژهنى! قسه گانئ وه يهئ جار هكى مهردم خسته ناو هه وا و هه وه سا. هه ر وه تىاي به چه ر كردن^١ مهردمه گه ها دهس ئه و، وه هه ر لايگا چه ر خانه ئ مهردمه گه گه رد يه كا يه ئ جار گريان يه ئ و جار خه نيان.

قسه گانئ وه په رتخ ره سى. سه رۆك گشتى هاته باره گاي حزب، له ره زا پاريزهر پرسىيار كرد:

- ژماره ئ بنكول نيشه جيه يل ئئ شاره كه چه نيگه؟

- بيست و چوار هه زار كه س.

سه رۆك گشتى وه ت:

- ئه وانه ي ك له هه لېژاردن هه ق دهنگدان نهيرن مه ژماره يان.

ئه وانه ي ك هه ق دهنگدان نهيرن ناتين، ئه وانه ي تره ك وه گه رد زىاييه كان نارپه سنه يانزه هه زار.

- چه ن كه س له حزبه كه ي ئيوه ناوئوسى كردنه؟

- نوو هه زار.

سه رۆك گشتى وه ت:

- باوجى وه ئه و هه ساوه له ئئ شاره كه ئيمه له هه لېژاردن پيروژ

بوئمن.

^١ - becerkirdin كوئترؤل كردن.

له شوون چپین سه روک گشتی حزبه گه ئ ئیمه، حزبه گه ئی تر له برسم هات و ترس چپیه دلایان و سه روک گشتی ئه وانیش هات و وتاریگ خوه ندوه، چ وتاریگ!!..

وه پاسی ئه وه وه پئی ویشن وتار.. له دواییا وهت:

- هاوولاتیهیل هه نین! ئه گهر بائید و حزبه گه ی ئیمه دهسه لات بگریئ ئه ودهس، ئه و دهمه هه زار لیڤه دهس قهرد بانکی دهیمنه هه ر یه ک له نیشه جیهیل ئاوایه گه مان.

وای قهردا! هه ر ئه وقهره زانستم ئه ندامه ییل حزبه گه ی ئیمه کیشانه قولا و له لای ئه و حزبه گه ناو خوه یان نقسان.

یه ی روژ له شوونئ، رهزا پاریزهر دیم چه دهس گرتییسه چناکه یوه! وهتم:

- کاکه رهزا ئوغره؟! دور له گیان ئوشی کاکلهت ژان که ئی؟

وهت:

- دگانه ییل من تاقمن! شوکر، ژان ناکهن؛ به لام له گشتی خراوتر ئه وهسه هه رچی ئه ندام داشتیمن چپنه و سه ره ی ئه و حزبه گه . کهس ئرامان نه ما. ئه و دهس قهرد بانکیه گشتی له ره وهن هه لسان.

وهتم: هه لئس با خوه مانیش بچیم ناوتوسی بکه یمن، ترسم دواچار

نه گرنه مانه و دالته ی خوه یان!

وهت: جارئ دهس گیر بییه. تلفون کردم وه مه لبه ند بزائم چه

جواوم ده نه و.

خودا بکه م ئەو رۆژه نه وینی له شاره که گه دهس کریا یه ی سهندن
و فرۆشتنیگ هه ر مه پرس .

وه تم: ئەیه دی چ به زم و بساتیگه، خو ئەو پاره هالوو
نه هاوردی سه ی؟

وه تیان: هه زار لیڤه ی قه رد ها له ناو رییا!

ره زا پارێزه ر وه دو چه پۆکیگ دا مل سه ر خواهیا و وه دهنگ
کزیگه و وه ت: له هه لېژاردنه گه پیروژ ناویم .

به نده ی خودا، وه جوړیک لالکیاوه دل ئایه م کرده کونجی
کو تیاگ .

جاریگتر سه رۆک گشتی حزبه گه ی فریا که فت . هه مرای یه ی پای
له ناو ماشینه گه نه نابو ق ئەو خوار وتاره گه یی خواهی پیشکه ش کرد .
مه ردمه گه له شوون خواهیا و اقیا ن په ری .

جاری وه رجه ئەوه ی ک دهس بکه یده قسه کردن، خه لکه گه
دهسکردنه گریان، وه ماز یه ک هاته قسه کردن، گشتییا ن وه دهنگ
به رزه و هیرک هیرک خه نیان . ئەوه وتاره! ... شه که ر له که لامی واریی .

- هاوولاتی هیل هه نین!

له شوون من یه کیگ هاتییه سه لاتان و قه ول هه زار لیڤه قه رد
بانکی دایه سه پیتان . من قه ول دو هه زار لیڤه دهسقه رد بانکی ده مه
هه ر بنه ماله یگ .

هه ر ئەو رۆژه هاتیمه و دالته ی حزیه دهسلاتداره گه . هه ر که سیگ
سه رله نوو ناوئوسی کرد و هه زاران که س داپرشیا نه ئەو ناوه .

رهزا پارێزه روهت:

- دياره ئی جاره له ههلوژاردنهگه پيرۆز بۆمن.
- نهك ههر رهزا بهلكو فره كهس ترهك له سه ر ئی باوه رپه بۆن كه له ههلوژاردنهگه پيرۆز بوون.
- جاری ترهك دهس كریا وه سه نندن و فروشتن بی ههد و هساو.
- كوره ههم لهینوا چ خه وه ره؟ ئی به زم و ره زم تانه چهس؟ وه تیان:
- ههزار لیژهی حزبه گهی تر خواردیم و ته مام بی، ئیسه گهی^١ دهس خوه شان هگهی ئیوه یمن بخوهیمه ی.
- ئه ی هاوار له ئه قیل و فام خه لك شاره كه گه مان! هیمانی پاره گه نه نانه سه گیرفان. كرده ی ئه و كار!
- جاری ترهك سه رۆك حزبه كه ی تر په یا بی:
- وه دو ههزار لیژه كلاو نانه سه سه رتان. ئیمه نهك ئرا ههر بنه ماله یگ، بهلكو ئرا ههر كه سیگ دو ههزار لیژه ده یمن.
- كابرا هه مرای وتاره گهی ئه و په رتخ نه و رده بۆ، مه ردم كیشانه قولا و له لای حزبه گه یان ناوئۆسی كردن.
- منیش قه وڵ دام به مه و دالته ی حزه گهی تر. ئه و حزبه دو ههزار لیژه دهس خوه شان ه ده یته، ههر كه سیگ به لگهی ماره برپانه و ده فته ر

^١ - geŷ نۆره، نه و بهت.

نفوس تيرئ و وه مهيلان دل خوهى ناو خه يالينگ نوسى ... له وهختيگا پرسيار له يه کينگان کردم ئرا چه له يوا کهيد؟
وه تياد: ولات نياز وه روله ديئرئ.

سه روک گشتى حزيه گه ئيمه سهر و که له ي ديار دا. کار خاسينگ کرد هات، له ئى لايه ي دهنک ئه ندام ئرامان نه ما.

ماموستا له پاش وتار گهرم و گوره گه ي وه ت:

- هاوولاتي هيل خوه شه ويست! حزيه گه ي ترهک قه ول دو هه زار لي ره دايه سه پيتان ... ئيمه دو هه زار ترهک لي ره ده يمن و نه فه بانيش له که سينگ ناسينيمن.

مه ردمه گه جاريگ ترهک هاتنه و ئرا لاي حزيه گه ي ئيمه و دانه و دالته مان.

وه ت: بکه نه ري خودا کاکه رها هه ليژاردن فره يگ نه مايه، ئه گه ر وه ي زو سه روک حزيه گه ي تر هات، چه بکه يمن؟

قسه گه م وه راس ده رچئ، سه روک حزيه گه ي تر داو لي ديار دا و هات.

- هاوولاتي هيل هه نين! ... جا چه ويوشي کردن له قهر د چه س. ئيمه هيچ جو ره نه فيگ وه رنا گريم و له ته مام قهر ده يل کو نه يش چه ويوشي که يمن.

کابرا قسه گه ي کرد و چئ، جو ر ئه وه ي ک چوو بکه يته لانه ي زه رده واله يا، له شوون خوه ي هل هله و زه مزه مه ي خسته پيا.

- کاکه رها نوورستي چه وه سه رمان هات؟

رهزا پاریزهر له پاشخوانا وهت: ئاگر چئ له سهر و مالمان،
مرادئاغا، کهس له دالتهی حزبهگهی ئیمه نهما و گشتیان چین ئرا لای
ئهو یارووهگان!

- کوره خودا گورهس، با خوهمانیش بچیم!
- سهور که، نامه نوسامه ئرا سهووک گشتی، بزائم له شوون
ئوهوی ک قهردهگان نه سینیدهو، چ قهول ترهک دهیت.
- چشتینگ وه ههلبژاردن نهمایه، هللهیش^١ مه تو^٢ کریایه. بکه
ری خودا له کوپ هاومال مایمنه جییهو، سهه که سیش وهل حزبهگهی
ئیمهیا نهمایه، ئهو حزبهگهی تر، سهرجه م ئه ندامه گانی رهسینه ههژده
ههزار کهس.

- باشه کاکه رهزا له شارهک ئیمه ئه وقهره مهردم دهنگ نهیان،
ئئ هه مگه مهردمه له کووره وه هاتنه؟
- مهسه لهی قهرد بانکییه... هه ر کهسیگ خوهی وه دو کهس
نوساس.

- ئهوانه ی ک ماف دهنگدان دیرن سهرجه م چهن کهسن؟
- دوانزه ههزار.
- کاکه رهزا خودا وه دیار سهردهو بوو، من دهمه و دالتهی ئهو
حزبهگه.

١ - hilhiî ته بلیقات.

٢ - meto قهیه خه، قهده خهن.

ئاخره گه ی منیش، له ئه وره ناو خوه م نۆسام .

مرادئاغا داوای قاوه یگ تره ک کرد و پای راسی له بان پای چه پی
دانا و وه ت: ئیسه تو بۆشه پیم، حزبیگ خاوه ن هه ژده هه زار لایه نگر
و ئه ندام بوو و حزبه گه ی تره ک وه هه ر هال هه زار که س له ده وروه ی
بوو، وه رای جنابت کامیان سه رکه فی و پیروژ بوو؟

- تو خودا مراد ئاغا ئه یه یشه پرسیاره له من که ی؟

- مه سه له گه جوړ روژ روشنه ئه وه ی ک خاوه ن هه ژده هه زار
لایه نگره پیروژ بوو .

نه برارزا نه زانستیه ی! ... نه یایده ناو خال ... ئه و حزبه ک من
پشت کردمه و پی هه ر ئه وه پیروژ بوو ... من خوه م ده نگ دامه ئه و
حزبه گه به لام ده نگ نه یامه حزبه تازه گه .

- چۆن؟

- کاکه که س سه ر له کار ئیمه ده رناکه ی ... یه کیگ دو هه زار ده ید
و مه ردمه گه چپن ئرا لای خوه یان، ئه وه ی تر سئ هه زار ده ید
مه ردمه گه وه کو مه ل ده نه و دالته ی . به لام گو ش وه ی سات و سه ودا
مه یه ، هه ر وه خت واده ی هه لبژاردن هات هه ر که سیگ راویژ خوه ی
که ید .

وه تم: خاسه ، بۆشه پیم بزانه ئرا چه له یواسه ؟

- مه سه له ی پاره و به یاو به س ناو خوه یانه ؟

- به لئی مهسه لهی پاره و قهولّ و قه راره به لام هه نای باس هاته
سه ر دهنگدان، مه ردمه گه له یه کم رۆژا کام حزب هه لۆژاننه هه ر دهنگ
ده نه ئه وه .

- هه ر وهی بوونه وه توانم بۆشم ئه نجام کار رۆشن نییه . هه رکه س
هات وهت: دهنگ دهمه پیت باوه ره مه که .

وهختایگ که وشه گانی کرده و پا، ئه و دهمه دیار بوو خه ر له کووره
که فتییه و کونه له کووره درپاس!
برارزا! قاوهی ترهک ناخوهی؟

فیل ھمدی چۆن دەسگیر کریا؟^۱

له بهرپۆه به رایه تی ئاسایش ئهسته مبوله وه، ئی په یامه ئرا بهرپۆه به رایه تی ئاسایش شارهیل تر کل کریا:

"ئمری سی و پهنج ساله، بالا بهرزه، وهزنی ۲۰۰ کیلوه، سی دهنک له دگانیهیلن کهفتیه، یه کینگ له کاکيله کانی پره و کریایه، کاکيله ئی لای چه پیشی تا قم ته لاس، یه ئی کراس بوور خهتختی ها له وهریا. سه ری تا ئه نازه یگ تاسه، ده موچه وی هه وله قه، چه وهیلن که ژاله، ناوی فیل "همید" یه، کارنامه ی ژیانن پره له تاوان، سی شه و سی رۆژ دو پولیس گه ی وه گه ی کیشکی کیشانه، به لام دس ئاخر خهویان بردیسه و ئه ویش له ده رپهت ئیستفاده کردیه و ده رچیه .

^۱ - له ناو ئی چیرۆکه له پیشگر رابردوو و رانه بردوو (d/d) بهردهوام کهلک وه رگریایه؛ ئی پیشگره له کرمانجی بانین هس و له کرمانجی خوائنیش له بیجار و زۆرم ناوچه گان نیلام و هه رله یوا به شینگ له کوردهیل به غدا بیژه دبوو.

وه پای تاقیکارییگ ک وه سرئه نجام ره سانیمنه، فیل همدی خوئی ته قانیه سه به کیگ له ولایه ته یل ئیوه یا. داوا له لیتان دکه م له زوترین وهخت دهسوه سرئی بکن و گهرد پوئیس کلئ بکن ئه پرا به پروه به رایه تی ئاسایش ئه سته مبول. تکرأ کم له یه کمین ده رپه ت ئی کاره ئه نجام بدن. وه گهرد په یامه گه یه ئی وینه ی فوتوگرافی فیل همدی ئراتان کل دکه یمن"

□ □ □

له یه کیگ له ولاته گان، دو پوئیس له ویستگه ی^۲ قه تار له پسای گهرد یه کا قسه دکهن:

- په مه زان برام، ئه و پیاگه ک له پسای شه ربه ت دخوئی، ئه ین و به ین و کوتومت ئه و فیل دکه ئی.

- تو ئوشی خوئی؟

- وینه گه ی له گیرفانت ده ربان با ئیسفای^۳ بگریم!

وینه یگ له گیرفانی ده رتیرئ و نیشان هه قاله گه ی^۴ دده ئی.

- په مه زان ئه یه خوئی نییه، ئه یه وینه ی خوئی ته!

- ئه و وینه له جه ژنیگ گرتمه سه ی، چونه جوانه!

- خاسه، وه لی خه نینه گه ت ناشرینه! وینه ی فیل همدی بونه و!

۱ - tikra تکا، خواهیش.

۲ - wistge چیگه ئی ک قه تار له وره وسی (ایستگاه).

۳ - isifa ئاور، تماشا.

۴ - heval هاوهل، هاوگهرد، ره فیک.

- رهمه زان دس که یتته گیرفانا و وینه یگتر دهرتیری و ئوشی:
- ئه یه وینه ی کوره گه مه، یادگاری سهر بازیه .
 - ئه ری ئه یه کییه مه حمود؟
 - ئه یه ئوشی؟ هینه ... کوره ئیسه له سهر زوانم بی ... عه لی دۆکه لیی قاچاچی هه شیش .
 - ئه یه شیشه مۆشه گه ی میوانخانه ی سوبحیه . وینه گان لکیابونه یه که وه . وینه ی فیل همدی په یا بکه ره مه زان!
 - مه حمود و ره مه زان خه ریک جیا کردنه وه ی وینه کان بون و مینه ی وینه گه ی فیل همدی دکردن .
 - مه حمود زۆکه یارو شه ربه ته گه ی خوارد و ها له تهش و تاو ک له وره بچوو .
 - تو بنورپه پیوه چۆن تماشای ده ور وهر خوه ی که ئی .
 - دیمه وه ی، ئه یه وینه گه یه هه ر ئه وخوه ی که ئی .
 - چین وه ره و لای کابراگه .
 - کاکه بووسیه!
 - تماشای کابراگه دکن و سه رنج دده نه وینه گه ی:
 - خاس بووسیه بزائم .
 - ئاخ له دس ره مه زان خو وینه گه له ئه و ناچووت .
 - مه حمود با وهل خوه مانا بوهیمه ی ئرا پۆلیسخانه، تا گرووبان بۆنیتته ی .
 - کابرا! بکه فه و نوامان!



له ناوڕووینگ تر دو پۆلیس له ناو بازارا وه بان جادهگانا هانه
هاموشۆ و گل دخوهن .

- کاکه شوکری، خهجالهتییه ئرا ئیمه له شهوهکیه وه تا ئیواره
هر گل خوهیمن، ئی فیل همدیه دهسگیر نه کردیم .

- تو بنووړه ئی کابراوه هر ویشی خوهیه؟
له کابراگه نزیکه و بۆن .

- برا گیان! ناو تو چهس؟
- مسته فا .

پۆلیسهگان له بن گۆش یه کتريا فچ فچ دکهن:
- ویشی مسته فا . .

- ئە ی خوو ناویشی همدی، هه تمه ن ناو خوهی ئالشتی ئۆشی .

- ئە و توائ وه گشت ئە قلّ خوهیه و کلاو بنه یته سه ر ئیمه یا!
- بفرما بکه فه و نوامان!



له ناوڕووینگتر دو پۆلیس له چایخانه یگ دانیشتنه و گهر د یه کا
قسه دکهن:

- دۆه که من وه دهسهیل خوهم سی دانه فیل همدی دهسگیر
کردم، گورۆبان هر ناشوکر بی .

- ئە ی گورۆبان ئیمه یچه، هر دۆزه مهس .

- ههشش...! وه سهر خوهت! دهنگ بهرزوه مه که. تو بنووپه ئه و کابراوه ک خهريکه چای خوهی، ههر ويشی خوهیه. بهلام له پهيامهگه نوسرياس کابراگه چاخه، ئهيه فره لهپه و ههر ويشی گومهیلن سوقانه!

- ههتمهن لهپه و لاواز بيهه... خهيال کهيد چه مهگر قاچاخچيه تي کار ئاساننگه؟

- راسه... بهلام ئهيه رهشتالهس، فيل همدی گهنم رهنکه!

ئهوقهره چيهسه قهي کهژ و کهمهرا بيهسه پهلاس سييه.

- راس ويشی... بهلام ئی کابرا قژی سيهس، ئهگر له هورت بوو

له پهيامهگه نوسرياس فيل همدی سهري تاسه.

- کاکه ئهوه کار زامه تیگ نييه، کابرا کلایگيسي ناسهوسهر ئرا

ئهوهی ک کهس گومانه پي نه کهی.

- ئوشي چه، دهسگيري کهيم؟

چين وه ره ولای کابراگه:

- ناوت چهس؟

- همدی..

پوليسهگان نوورپنه يه کتران و خهنن.

- بکهفهو نوامان.

- ئرا چه؟ مهگر چه قومياگه؟!

- فره له سهري مهچو! له پوليسخانه چشتيگ رهسيدهوا!

له ناو پرووینگ تر دو پۆلیس، کابرایگ له دهوور وهر شار دهسگیر دکهن.

- دهمت داچهقن!

- هیچه ناو دهمم نییه.

- ئەگەر راس کهیت دهمت واز که.

کابریگه دهمم داچهقان، ههر دگ پۆلیسهگه ئیسفای ناو دهمم دگرن. یه کینگیان وه ره فیهگه ی ئۆش:

- تماشای نۆسراوهگه بکه بزانی چهن دگانم که فتهیه؟

پۆلیس نۆسراوهگه دخوه نیدهو!

- سۆ دگانم که فتهیه، یه کینگ له کاکیله گانم پیره و کریاس و

کاکیله ی لای چه پیشی تاقم ته لاس.

پۆلیس دگانهیل کابریگه ژماریت:

- یهک، دو، سۆ، چوار - خوهت مه جۆلنه و سه ره له لیم شیوانی -

یهک، دو، سۆ، چوار، پهنج، بیست و چوار... بیست و چوار دگان ها

دهم.

بیست و چوار دهنکه؟ ئە ی چهن دگانم که من؟ کابری تو چهن

دگانت که فتهیه؟ نازانی؟

- ههشت دگان..

- خوه ی کیشاگه سه یان، ئرا ئە وه ی ک ئاشکرا نه وئ.

- دگانه یل من دهسکرد و دهره کیین، تا قمن. من هیچ دگان له ناو دهم نه مایه، ته نانه ت چوار دهنک له دگانه یلم له وهخت جهوز خوادن شکیا نه .

- بزان له نۆسراوه گه باس له دگان تا قم کریاس؟
- نه وه لا، باس دگان تا قم له ناوی نه کریاس. کوره ئه یه هه ر خوه یه، مه گەر ئه وه نییه کاکیله ی خوارینی تا قم ته لاس؟
- کاکه زامه ت بکیش وه لمانا به و!
- ئرا کووره؟
- ئرا پۆلیسخانه!



سه دان په یام له به پۆه به رایه تی ئاسایش ولاته گان دهور وهر کل کریانه ئرا به پۆه به رایه تی ئاسایش ئه سته مبول.

"په یام ژماره ی فلان"

"له سنوور ولاته گه مان بیست و دو فیل همدی دهسگیر کردیمه چوارده یان جلوه رگ بوور رهنگ خهت خه تی ها له وه ریان و کاکیله یانیش تا قم ته لاس. تکرا که م سه ره سه او مان بکه ن فیل همدی تر بگرم یان هه ر ئه وانه به سن؟"



"ئه یه پاشخوان فلانه په یامه"

"له سنوور ولاته گه مان له به یین ۱۸۰ تا ۲۲۰ کیلو یه ی هه مگه فیل همدی دهسگیر کریانه و هه ر شوونینگ گومانای بۆ، وشکانیمه ی و

وهی زق ته مام ئه و کهسه یله ک دهسگیر کریانه گشتیان ههنیریم ئرا
لاتان"

جئ وهتنه، بریکیش ده رچینه، به لام ئیمه فره وه هورده نوورپوه
ئه و کهسه یله خه یمنه ژیر چاودیری و وهی زق ئه وانیش بالهس دکهیم
و کلیان دکه یمن ئرا لاتان.

وهل ریژ و هورمه تا"

له به ریژه به رایه تی ئاسایش ئهسته مبوله وه ئی په یامه کل کریا ئرا
ته مام ناوچه گان:

"وهی بوونه وه ک دی جئ نه مایه، جارئ ئه و فیل همدیه یله ک
دهسگیریان کردینه به سن. تا په یامئ تره ک کل دکریئ؛ داوا له لیتان
دکه یمن کهس ره وانه ی لای ئیمه مه کهن"

ته فرهنج: له وهختیگا ئی په یامه کل کریا ئرا ناوچه گان، فیل
همدیه یل فه راری، فره وهخت بق دهسگیر کریا بق!

Nasnamey pirtûk

mijar: *wergêran kurte çîrûkeyli tirkî we ser ziwani kurdî*

Naw pirtûk: *meger le wîlati xwetan xer niye ?*

wergêran: *saro xusrewî*

wêraşter :s. *jiyar cehanferd*

Hejmar: 1000

Çapi yekim: ٢٧١٣ *kurdî*

ê pirtûke le ser erki çapemenî malperi jiyarkurd hatiye çap kirdin

meger le wîlati xwetan xer niye?

wergêrani kurte çîrûkeyli tirkî we ser ziwani kurdî

wergêran:
saro xusrewî

٢٠١٣ zayînî